


Insait long dispela wik...
Catholic Reporter
Septemba isu insait
Nius - P2, P3, P4

PM lonsim K200m
hausing projek - P2

Meri Nius **P6**

 **Kulau soim welkam**
“kagin bilong Madang”
long Mindre - P6

PIH Saveman Nius
Niupela Helt nius olgeta
wik insait long pes 7...



pepsi pipol



Like

na painim aut moa long ol narapela promosens bilong mipla bihain taim.

www.facebook.com /pepsipng

Teroris kam pinis long PNG

Yakam Kelo i raitim

OL teroris lain bilong midel is kantri i stap pinis long Papua Niugini na ranim bisnis aninit long helpim na sapot bilong ol bik-lain bilong yumi long gavman na palamen. Praim Minista Peter O'Neill i tokaut long palamen aste olsem dispela lain em gavman i klia pinis na ol traim long mekim ol wok bilong rausim ol bihainim lo bai ol no ken tanim na kotim gavman long brukim bisnis kontrak na ol arapela agrimen bilong ol.

Mista O'Neill i tok opis bilong em i save long dispela na ol i sindaun pinis na toktok wantaim Nesanel Intalijens Ogenaisesen (NIO), Imigresen Opis na ol arapela gavman opis long mekim painimaut go wok insait long dispela lain na bisnis bilong ol.

I go moa long pes 2...



Siaman na CEO bilong BSP, Robin Fleming, Sekretari bilong Fainens, Dokta Ken Nangan na Praim Minista Peter O'Neill long palamen i lonsim polisi bilong K200m gavman I putim long BSP Benk long PNG sitisen bai kisim dinau mak bilong K400,000 long wokim haus. **Poto Nicky Bernard**



OUR AMAZING TURA HALF PRICE FARES!*

50,000 SEATS AT HALF PRICE!

BOOK NOW!

 **Air Niugini**
www.airniugini.com.pg

Call Toll Free on **180 3444** or contact your nearest Air Niugini Travel Centre or Travel Agent for further details.
 *Conditions Apply. 50% Discount applies to Domestic Fares. International Tura Fares also available. Call now!



PM tokaut long K200m hausing projek

Yu mas i gat

-Taitel bilong graun

-10 pesen ekuti-K40,000

- Bai hatwok long ol grasruts

na ol lain i no wok

Stanley Nondol i raitim

PRAIM Minista Peter O'Neill wantaim Bank South Pacific i tokaut long polisi bilong K200 milien gavman i putim long BSP long ol Papua Niugini sitisen long kisim olsem dinau na wokim haus bilong ol.

Tasol rot bilong kisim dinau long benk em bai i no isi long husat lain i no gat taitel bilong graun wantaim K40,000 ekuti mani long akun. Na em bai i no isi long husat i no wokmani.

Praim Minista O'Neill i tok planti taim gavman bilong bipo i traim ol polisi long mekim hausing skim tasol i no bin wok na bikipela milien kina i lus nating long han bilong ol kontrakta. Em i tok em i tingting bilong em long wok bung wantaim BSP benk long putim K200 milien

long ol pipel i ken kisim dinau na wokim haus bilong ol.

BSP Benk wantaim Dipatmen bilong Tresari na opis bilong praim minista i kamapim pinis polisi na ol pipel i ken stat aplai na kisim dinau long mak bilong K400,000.

Dispela polisi i tok klia long rot bai yu inap long kisim mani helpim. Sapos yu apali long kisim K400,000 dinau long BSP, yum as gat taitel bilong graun na yu mas gat K40,000 long akaun olsem ekuti. Na dispela projek em bilong ol PNG sitisen tasol.

Praim Minista O'Neill i tok planti pipel long taun na siti i slip long setelmen bikos kos bilong wokim haus na rentim haus em i dia tumas long kantri. Na liklik pe ol wokman nameri i kisim em i no inap long baim rent na bungim ol arapela hevi long tupela wik.

Husat man o meri i no wok bai no inap kisim dispela dinau. Em i hat tu long ol grasruts long taun na siti long kisim dinau long benk. Na tu yum as i gat K40,000 long akaun long kisim dinau. Tasol planti ol wok man na meri i no kisim K40,000 pe long wanpela yia.

Praim Minista i tok gavman bai putim K200 milien long wan wan yia long helpim ol pipel i kisim dinau na wokim haus.

Intres bilong bekim em 4 pesen na husat kisim dinau bai mas bekim insait long 40 yia. Mista O'Neill i tok dispela em i namba wan polisi bilong gavman na i winim planti kantri long wol.

Mista O'Neill i tok dispela K200m em i no dinau gavman i kisim. Tasol gavman i putim tasol long BSP benk i ken lukautim na helpim ol PNG manmeri long kisim na

wokim haus bilong ol.

Tasol ol saveman i tok dispela projek em bai helpim ol man i gat mani na taitel pinis long en. Em bai no inap helpim planti liklik man nameri husat i kisim taim long haus na baim rent.

Praim Minista Peter O'Neill i tok long helpim ol manmeri long kisim taitel bilong graun, Nesenel Eksektiv Kaunsil i tok orait long rausim ol stet len we ol man i kisim taitel tasol ol i no divelpim na katim blok, na bai givim taitel long ol PNG sitisen long wokim haus.

Ol 20 wokman bilong Dipatmen bilong Fainens i namba wan lain long kisim tok orait pinis long kisim helpim long K400,000 aninit long dispela projek.

Dispela em bin isi long kisim bikos dipatmen i painim graun bilong ol wantaim taitel na ol i wok-



PRAIM Minista Peter O'Neill

man i putim K40,000 tasol olsem ekuti.

Rot bilong aplai na ol tok save i stap wantaim BSP. Yu ken sekim tu long websait bilong BSP Benk.

K1.8 milien long stretim ol polis stesin long NCD

Isaac Liri i raitim

GAVMAN bilong Australia i wok bung wantaim Polis Dipatmen bilong Papua Niugini, na gavman long stretim olgeta polis stesin long NCD.

Olgeta polis stesin stat long Konedobu i go long Bomana bai kisim ol nupela samting, na ol kontrakta bai stretim ol polis bilding we i bagarap.

Mani mak inap long K1.8 milien i stap long baset long stretim olgeta polis stesin long NCD.

Long dispela wik, Hai Komisina bilong Australia, Deborah Stokes i bin stap long lukim Minista bilong Polis, Robert Atiyafa na ol polis long Hohola Polis Stesin.

Hohola Polis Stesin em i wanpela polis stesen insait long NCD we i save givim sevis long ol pipol bilong Hohola, na tu, ol arapela hap bilong Pot Mosbi.

Dispela polis stesin nau i gat ol nupela kompyuta, ol nupela sia na tebol, nupela haus kuk, na ol arapela material.

Komanda bilong Australia Federel Polis (AFP) long Papua Niugini, Allan Scott, i tokim Wantok Niuspepa olsem helpim bilong Australia i go long ol polis stesin long NCD i kam aninit long AUSAID program.

Em i tok ol polis manmeri bilong Australia husat i wok long Papua Niugini i amamas olsem ol polis bilong Papua Niugini i kisim sapot. "Mipela ol AFP na ol polis

bilong PNG i save wok bung wantaim long kamapim gutpela na seif komyuniti," Komanda Scott i tok.

Long makim maus bilong gavman bilong Australia, Mis Stokes i tok dispela helpim bilong Australia long stretim ol polis stesin long NCD i soim olsem tupela kantri i gat gutpela wok pren.

Em i bin raun tu long ol arapela hap insait long Papua Niugini long lukim ol arapela projek we Australia i sapotim na em i amamas long lukim olsem olgeta samting i ran gut.

Mis Stokes i bin tok amamas long olgeta polis manmeri bilong Papua Niugini na olgeta ogenaísesen we i go pas long stretim Hohola

Polis Stesin na mekim i luk nupela.

Em i tok tenk yu tu long Polis Minista na gavman bilong Papua Niugini long givim sapot long ol projek we Australia i helpim long kamapim.

Polis Minista Atiyafa i tokim ol polis manmeri long lukautim gut ol fasiliti bikos ol dispela fasiliti bai lukautim ol.

Em i tok tenk yu long Australia long givim helpim long stretim ol polis stesin long NCD. Em i laik ol polis manmeri bilong Papua Niugini i wok bung wantaim ol polis bilong Australia.

"Australia em i namba wan poroman bilong PNG long sait bilong developmen, yumi mas wok bung wantaim ol," Minista Atiyafa i tok.

PNG nidim planti polis manmeri

Isaac Liri i raitim

POLIS Minista, Robert Atiyafa, i tok namba bilong ol polis manmeri insait long kantri i no inap long daunim ol hevi we i save kamap long ol komyuniti. "Lo na oda program em i bikipela tru na yumi no gat inap polis manmeri long daunim ol dispela hevi," Minista Atiyafa i tok.

Em i tok long ol ripot, planti polis manmeri i tok planti manmeri bilong pablik i save kam long polis stesin wantaim ol hevi bilong ol, na planti taim ol polis i no save stretim olgeta bikos ol i planti tru.

Minista Atiyafa i tok sapot bilong ol polis bilong Australia i helpim ol polis bilong Papua Niugini long planti rot, na em i amamas tru long helpim i kam long Australia.

Em i tok welkam tu long ol nupela polis opisa husat i pinis long Bomana Trening Senta na i redi long mekim wok insait long kantri.

"Mipela i salim planti bilong ol nupela opisa i go long ol arapela provins insait long kantri," Minista Atiyafa i tok.



Polis Minista, Robert Atiyafa i tok kantri i nidim planti polis manmeri.

Minista Atiyafa i tok O'Neill/Dion gavman i sapotim wok bilong polis insait long kantri tasol ol i putim planti mani long baset long helpim ol sapotim ol polis.

Long tingting bilong Minista Atiyafa, em i laikim ol polis long kisim planti moa trening long sait bilong investigesen, pait, na ol arapela trening nambaut.

"Planti mani i mas go long givim trening," Minista Atiyafa i tok.

Long plen bilong em olsem Polis Minista, em i tok long 2017, namba bilong ol polis manmeri bai go antap.

Nupela Lae Siti Komisin stap long palamen petisen

MEMBA bilong Lae Loujaya Kouza i givim petisen long palamen long kamapim nupela Lae Siti Komisin long asde.

Dispela petisen i tok long gavman i mas givim luksave long ol papagraun bilong Butibam na Kamkumung long Lae siti bihainim Suprim Kot disisen

long 1973 we i luksave long olsem olsem papa graun bilong Lae siti.

Kouza i tok ol klen lida bilong dispela tupela bikples i sainim dispela petisen long nesanel gavman long luksave long ol na givim gut kompensesen long ol bihainim dispela kot oda na

surukim Lae siti go kamap olsem Komisin.

Kouza i tok Komisin em wanpela samting bai sevim tru intres na sindaun bilong ol dispela papagraun na klen long nau bihainim ol bikipela senis na developmen we i wok long kamap na daunim tru ol papagraun

long Lae siti.

Em i askim palamen long givim blessing na luksave long dispela petisen na kamapim dispela singaut bilong ol papagraun long kompensesen, kamapim Lae Siti Atoriti na em olsem memba bilong Lae long kamap Siaman bilong nupela Lae Siti Komisin.

Teroris i kam pinis long PNG...

I kam long pes 1...

Mista O'Neill i tok ol teroris lain ya i kam insait long kantri bikos long pasin bilong ol gavman opisa na ol lida we i mekim pren wantaim ol na kisim ol i kam.

Praim Minista i kolim nem bilong wanpela timba kampani long Mosbi we dispela teroris lain i baim na ranim olsem bisnis bilong ol. Sampela famili bilong ol bin kam pastaim aninit long helpim bilong PNG opisel na mekim liklik bisnis na bihain ol teroris famili i

kam bihain wantaim bikipela mani na bikipela bisnis we i ron tude. Ol i gat bisnis insait long timba, agrikalsa na sekyuriti sevis insait long Papua Niugini.

Mista O'Neill i mekim dispela toktok long bekim askim bilong Enga Gavana Peter Ipatas long gavman bai mekim wanem samting long rausim na stopim dispela lain nogut long kantri bilong yumi.

Memba bilong Rabaul Dokta Allan Marat i askim gavman long

yumi mas stretim Mama Lo bilong kantri gen we i tok long fridom bilong lotu.

Dokta Marat i laikim sapos gavman ken senisim na taitim dispela Mama Lo na rausim ol arapela lotu nabaut we i no Kristen lotu. Yumi mas banisim na strongim tasol Kristen lotu, em i tok.

Dokta Marat i tok tu olsem gavman mas sekim gut olgeta bisnis dispela teroris lain i gat hia long PNG na rausim o stopim na tu

kisim gut nem na piksa bilong ol lain ya na putim klia bai olgeta pipel bilong PNG ken lukim na save long ol.

Praim Minista O'Neill i tok yes gavman bai sekim gut ol bisnis bilong ol na rausim tasol ol bai mekim gut bihainim lo. Dispela em bikos nogut ol teroris bisnis ya i tanim na kotim PNG gavman long sait bilong lusim bisnis.

Em tok tu olsem gavman mas bungim tingting wantaim nau long

glasim gen na stretim gut Mama Lo bilong yumi long banisim gut Kristen kantri bilong yumi egensim ol ausait lotu nabaut we ol gat nem long kankain birua na trabel insait long wol.

Mista O'Neill i tok Papua Niugini em Kristen kantri na yumi mas strongim na banisim ol Kristen lotu na Kristen pasin bilong yumi olsem na stretim gut Mama Lo em bikipela samting long ol lida mas bungim tingting na mekim nau.

Ol Basamuk mama kisim namba wan pigeri projek long Wol Benk

JAMES G. KILA i raitim

OL MAMA long ol viles long Basamuk eria long Raikos distrik, Madang provins i mekim histori stret bikos long namba wan taim tru ol bai kisim wanpela bikpela pigeri projek long eria bilong ol wantaim helpim mani i kam long Wol Benk.

Long las wik Fonde ol lain bilong Mineral Risoses Atoriti (MRA) wantaim ol lain konsalten bilong GRM Intanesenel, Komes na Industri na RamuNico Jenda opis i bin stap long Mindre viles long sainim agrimen long redim rot bilong dispela projek i kamap.

Dispela projek i kam aninit long Wimen i Maining Projek we MRA i menesim wantaim mani i kam long Nesenel Gavman em WolBenk i givim grent sapot mani.

Planti ol mama bilong ol viles arere long Basamuk stat long Dein, Mindre, Jangank, Ganglau, Kulilau na Buf na ol arapela ples klostu i bin go bung long Mindre viles long lukim saining bilong dispela wok i kamap.

Dispela projek em histori tru long eria bilong ol, we autsait lain bipo i no save givim kain helpim olsem. Projek ya i kamap bikos long stap bilong RamuNiCo Projek long eria bilong ol.

Basamuk Wimens Asosesin em wanpela long 4-pela mama grup insait long Ramu Projek eria husat bai kisim helpim i kam long Wol Benk aninit long progrem ol i kolim Wol Benk Maining Sekta Institusinel Strengtening Teknikal Asistens Projek 2.

Ol mama insait long Ramu Projek eria i bin givim 4-pela eplikesen na olgeta 4-pela wantaim bai kisim helpim. Dispela i kamap bikos long helpim bilong RamuNiCo (MCC) Jenda opisa, Agatha Yombai na tupela lain i stretim ol pepa wok em egrikalsa sastenabiliti opisa Allan Wahwah na Buisnis Dvelopmen Opisa, Brodney Seip.

Tim lida bilong GRM Intanesenel, Mis Fouri wantaim ol opisa bilong MRA na wanpela opisa bilong Komes na Industri, Elizabeth George i bin go long Mindre viles klostu long Basamuk long sainim agrimen.

Naispela welkam stret i wetim ol we i lukim 4-pela singsing grup bilong ol Maigari i bilas na paitim kundu na samsam stret long bringim ol i go long ples bilong sainim agrimen.

Planti ol mama bilong KBK na Maigari i amamas tru bikos dispela em histori na namba wan taim tru bilong wanpela bikpela ogenaisesen olsem Wol Benk i luksave na helpim ol mama long Ramu Projek eria long Madang provins.

Mis Fouri bilong GRM Intanesenel i tok olsem dispela projek em bilong olgeta lain long komyniti long kisim helpim long en. Na em i tok ol mama i mas tok tenkyu long ol lidameri husat i hatwok tru na mekim sakrifais long mekim projek ya i kamap long helpim ol arapela lain long ples.

"Em i kisim sotpela taim tasol bihain long mipela i miting long mun Mas 2014 na wantaim helpim bilong MRA, RamuNiCo Jenda opis na stiarng komiti, nau mipela i sainim agrimen long yupela bai kisim ol projek," Mis Fouri i tok.

Dispela grent helpim bilong Wol Benk i go long ol Ramu Projek eria i kam aninit long Nesenel Gavman Asistens Skim grents i go long ol meri long eria we maining operesen i stap long en.

RamuNiCo Jenda opisa, Agatha Yombai i tok olgeta mama i mas wok bung wantaim na mekim gut wok long namba wan pigeri projek ya i kamap gut. Taim projek i kamap gut na ripot i orait bai i gat narapela moa helpim i kam bikos dispela helpim bai stap yet inap 3-pela yia, olsem na ol mama long Basamuk i mas wok bung wantaim na mekim gutpela wok na gutpela ripot i mas kamap.

Tripela narapela wimen grup em Kurumbukari, Inlen Paiplain (Maigari) na Kostal Paiplain wimen grup husat bai kisim wanpela trak na ol Basamuk Wimen Grup husat bai kisim wanpela pigeri projek. Ol mama long Kostal Paiplain bai kisim wanpela dingi tu long dispela helpim bikos ol i stap long bikpela projek eria.

Dispela seremoni long Mindre viles i bin kamap gut tru taim ol mama i givim toktok na tenkyu long Jenda opis bilong RamuNiCo, na tu, MRA na bikpela tenkyu long Wol Benk long givim helpim mani long ol.



Siameri bilong Basamuk Wimens Asosiesen, Misis Sande i sainim agrimen long ai bilong ol arapela meri long Mindre viles. *Poto: James G. Kila*

BSP Mobile Banking App



So you can be as smart as your phone.

The all new **BSP Mobile Banking App** now gives you added banking convenience by combining key features of Mobile and Internet Banking into one smart application.



Key Features:

- ✓ Accounts
- ✓ Transfers
- ✓ Payments
- ✓ TopUp
- ✓ Alert
- ✓ Preferences
- ✓ Messages

Requirements:

- ✓ iPhones or iPads IOS 6.0+
- ✓ Android Smart Phone, Android 2.2
- ✓ Windows 8.0+
- ✓ Users must be registered for BSP USSD Mobile Banking to download

DOWNLOAD NOW



The Smart Way to Bank.

320 1212 / 7030 1212 - 24/7
 servicebsp@bsp.com.pg
 www.bsp.com.pg



US Embasi kamapim woksop bilong domestik vailens

LONG las mun, US Embasi long Pot Mosbi i bin kamapim wanpela woksop long toktok long domestik vailens. Ol i kolim dispela woksop "Lets Stand Together", long Tok Pisin bai yumi tok, "Yumi sanap wantaim."

Ol manmeri husat i bin stap long dispela woksop em ol wok manmeri bilong US Embasi yet. Ol i bin toktok long kamapim ol sapot grup bilong helpim ol meri na givim sapot ol i laikim long stap strong na daunim domestik vailens.

Ol sampela manmeri husat i bin serim toktok bilong ol long dispela woksop em Eddie Aila bilong Warrior Culture, meri bilong Praim Minista Peter O'Neill, Linda Babao, Ruth Kendind bilong Pot Mosbi Jenerel Hausik, Israel Hukula bilong Victims Liaison Office, Dokta Henao Asa na Petrina Dikin bilong UN.

Wanpela bikpela samting we ol i bin serim o toktok long dispela

woksop em long olgeta manmeri, maski yu bikpela o liklik, i mas lukautim yu yet na senisim ol no gut pasin bilong yu na kamapim gutpela pasin.

Ol manmeri long dispela woksop i bin kisim tok skul long go bek long wan wan ples bilong ol na mekim awenes long daunim domestik vailens.

Petrina Dikin bilong UN i tok planti pikinini i save lukim vailens long haus bilong ol sem na ol i save painim hat long daunim vailens. Em i tok sapos yumi givim gutpela edukesen long ol, ol bai luksave, na save long rot bilong daunim vailens long laip bilong ol.

Eddie Aila i bin go pas long mekim sampela toktok wantaim ol manmeri long dispela woksop long skelim gut wanem samting em vailens.

Em i bin go pas long askim sampela bikpela askim long givim gutpela save long daunim vailens.



Eddie Aila toktok wantaim ol wok manmeri bilong US Embasi.

Japan-PNG wok pren i go het, GG tok

LONG 1975 i kam inap tude, Papua Niugini na Japan i bin wok pren na helpim tupela yet long planti rot.

Las wik, Japan Embasi long Papua Niugini i makim nupela man long stap olsem Embeseda bilong Japan long Papua Niugini. Dispela man em Morio Matsumoto. Embesa Matsumoto em i kisim ples bilong Embeseda Hiroharu Iwasaki.

Praim Minista bilong Japan i bin raitim wanpela pas i kam long Papua Niugini long toksave olsem Japan bai gat nupela Embeseda.

Gavana Jenerel bilong Papua Niugini, Sir Michael Ogio, i bin makim Papua Niugini long tok welkam long Embeseda Matsumoto.

Em i tok raun bilong Praim Minista bilong Japan, Shinzo Abe, i kam



Gavana Jenerel Gren Sif bilong Papua Niugini, Sir Michael Ogio, i toktok wantaim nupela Embeseda bilong Japan long Papua Niugini, Morio Matsumoto.

long Papua Niugini long mun Julai long dispela yia i bin wanpela gutpela raun tru, na planti gutpela toktok i bin kamap long dispela raun.

Em i tok Papua Niugini na Japan i save serim ol pasin bilong demokrasi, na tu, tupela i gat intres long planti ol arapela samting namel long tupela yet.

Papua Niugini em i wanpela kantri we i wok long traum hat long develop yet, na Japan i luksave long in-

tres bilong Papua Niugini olsem na ol i save givim helpim long sait bilong teknoloji, treid, edukesen, helt, na ol arapela bisnis nabaut.

Tupela kantri i stap olsem memba bilong Yunaitet Nesen (UN), na tupela i save wok pren aninit long dispela intenesenel ogenaisesen wantaim ol arapela memba kantri tu.

Sir Michael Ogio i tok Papua Niugini i gat bikpela intres long lainim planti samting long Japan olsem

na wok pren bilong tupela i go het. Em i tok Japan tu i gat planti intres long Papua Niugini long sait bilong ol risos olsem na ol i save strongim wok pren bilong ol wantaim Papua Niugini.

Sir Michael Ogio i amamas tru long lukim tupela kantri i lonsim PNG-Japan Komiti long Invesmen Promosen na Proteksen Agrimen. Dispela agrimen i bin kamap namel long Praim Minista bilong Papua Niugini, Peter O'Neill na Praim Minista bilong Japan, Shinzo Abe.

Astingting bilong kamapim dispela agrimen em long strongim wok pren namel long tupela kantri long nau, na long taim bihain.

Sir Michael Ogio i tok em i gat bilip olsem Embeseda Matsumoto bai wok gut wantaim Papua Niugini long lukim olsem wok pren namel long tupela kantri i stap gut.

ANU bai go pas long soim drowing na peinting

AUSTRALIA Nesenel Yunivesiti (ANU) bai go pas long soim ol drowing na peinting long Nesenel Laibri long Pot Mosbi long dispela wik Fraide i go inap namba 23 de bilong dispela mun, Septemba.

ANU i gat tripela risets lain husat bai go pas. Ol dispela lain em Chris Ballard, Elena Govor, Deveni Temu na Nicolas Garnier.

Dispela so bai lukim ol drowing na peinting we i save stap long ol musiem long Rusia, Australia, na Papua Niugini.

Ol dispela drow-

ing na peinting em bilong Papua Niugini long taim bipo. Man husat i bin mekim ol dispela drowing na peinting em Nikolai Miklouho-Maclay.

Nikolai em wanpela save man husat i bin save mekim stadi long ol pasin bilong ol manmeri long taim bipo na ol kalsa bilong ol. Long Tok Inglis ol i save tok Anthropologist.

Nikolai i bin raun long planti hap bilong Papua Niugini long yia 1871 i go inap 1883. Taim em i bin raun long ol ples long Papua Niugini, em i bin

drowim ol piksa bilong ol haus long Hanuabada, long Trobriand Ailan long Milen Be, long Manus, na long Madang.

Em i no bin drowim ol haus tasol, nogat, em i bin drowim piksa bilong ol kain kain samting tu.

Sampela bilong ol manmeri bilong Papua Niugini i bin lukim ol dispela drowing na peinting pinis, tasol planti ol yangpela pipel bilong Papua Niugini i no lukim yet na dispela em sans bilong ol long lukim na lainim sampela samting.

BSP mekim K369.3m winmani

Stanley Nondol i raitim

BIKPELA komesel benk long kantri, Bank South Pasific (BSP) i tokaut olsem em i mekim K369.3 milien winmani long pinis bilong mun Jun 2014.

Siaman na ol Bod ov Dairekta i tokaut long dispela wik olsem benk i kontrolim gut rot bilong givim dinau mani na strong bilong foren karensi inkam i helpim benk long kisim gutpela risal long 31.3 pesen. Na em i K281.2 milien moa i winim wankain taim long 2013.

Benk i mekim strong long wok bisnis na mekim 38.7 pesen moa long operating profit o winmani bipo long takis long wankain taim long las yia. Bihain long takis benk i mekim K262.5 milien long dispela yia na K204.5 milien long 2013. Konsolidetet reveniu o mani i



Sif Eksektiv Opisa bilong BSP Robin Fleming.

kam long bikpela akaun bilong benk i gro long 15 pesen i kamap taim benk i kontrolim gut rot bilong givim dinau mani long kastoma. Dispela i lukim intres inkam i gro long gutpela rot.

Benk i tok bisnis doman bilong kredit i bin go antap long namba wan hap bilong 2014. Na i bin go antap moa long mun Me 2014. Na bisnis long foren karensi o mani bilong arapela kantri, i bin kamap gut na apim winmani bilong benk long dispela yia i kam inap long Jun 30.

I bin gat wari long PNG kina i bin go daun egensim US na Australia dola. Na i bin gat wari bikos taim wok konstraksen bilong LNG bin pinis long las yia, i bin gat ripot olsem strong bilong kina i bin pundaun bikos i no bin gat bikpela invesmen i kam long ausait kantri.

Sif Eksektiv Opisa bilong BSP, Robin Fleming i tok strong bilong Kina i bin pundaun long las 17 o 18 mun tasol BSP i katim kos bilong bisnis na kisim planti mani i kam insait long dispela taim bilong Kina i pundaun i kam inap nau.

BSP i bin tokaut long Jun 10, 2014 olsem Benk bilong Papua Niugini i putim mak long foren eksens trenseksen long mak bilong 75 poin, winmani bilong benk bai bungim sampela hevi long namba tu hap bilong 2014, tasol bai go orait long 2015.

Wantaim dispela, menesmen bilong benk i kamapim rot bilong katim ol kos long namba tu hap bilong 2014 na bikpela impek bai kamap long 2015.

Benk i tokaut olsem kepitel ek-spendisa mani benk i yusim i

sanap long K134.5 milien long namba wan hap bilong 2014 bikos em i komitim ol bikpela projek olsem Lae komesel senta na Pasifik operesen senta long Waigani na nupela data na sekyuriti senta long Gordons, Pot Mosbi.

BSP Grup total aset i go antap liklik long namba wan hap bilong 2014. i bin go antap liklik tasol long 2013 long K13.333 bilien long pinis bilong 2012 long K15.480 bilien long mun Desemba 2013 na i bin go antap liklik long K15.740 bilien. Kastoma lon na net lon na ol potpolio benk i kisim na stap long K5.966 bilien na maket sea i no senis na i stap wankain yet.

Benk i tok em i gat bilip long go het long gutpela wok long bungim ol salens long maket na lukluk long kamapim gutpela risal long ol yia i kam.

Taiwan Tred Misin i helpim Angau Memoriel gen

TAIWAN Mobail Medikal Misin i bin mekim wanpela raun bilong en gen i go long Angau Memoriel Jeneral Haus sik long las mun na i givim ol 1000 kolostomi irigesen beg, inap mani mak bilong US\$10,000.

Dispela em i namba 10 taim mobail medikal misin bilong Taiwan i kam raun long PNG insait long 4-pela yia raun we ol i save mekim long wan wan yia.

Ol i givim 500 kolostomi irigesen beg bai i go long Angau Memoriel Jeneral Haus sik na 500 i go long PNG Stoma Asosiesen.

Ol i kam long givim ol medikal sevis nating long helpim gavman bilong PNG long sevis deliveri bilong helt.

Lida bilong tim em Dokta Nina Kao, CEO bilong Ovasis Medikal Mision Senta bilong Changhua Kristen Haus sik (CCH), na em i namba tri taim bilong em long kam wantaim Mobail Medikal Misin tim.

Long soim gutpela amamas bilong ol pipel bilong Taiwan, Changhua Kristen Haus sik i kamapim wanpela wok poroman



Ol Taiwan Mobail Medikal Misin tim i givim kolostomi irigesen beg long Angau Memoriel Jeneral Haus sik long Lae las mun.

wantaim Angau Memoriel Jeneral Haus sik.

Daniel Chun-pu Hu, man i makim Taiwan Tred Misin long PNG, i tok em i amamas tru long kam na lukluk raun long Angau Memoriel Jen-

eral Haus sik gen na bungim sampela gutpela patna na pren long Lae, Morobe Provins .

“Mi gat bikpela amamas long bung wantaim PNG gavman long wokim ol developmen priariti bi-

long en; olsem helt, eduken, egrikalsa na SME. Antap long dispela mi luksave long Dokta John Niblett na Misis Andrea Niblett bilong Nesanel Kensa Tritmen Senta long strongpela tingting na

pasin bilong wok tupela long helpim na oraitim ol kensa siklain long PNG,” Mista Chun-pu Hu i tok.

Wanpela risets bilong PNG Kensa Faundesen i tok, wanpela bilong 10-pela pipel i dai long PNG i save dai long sik kensa. Long planti yia nau, Helt Dipatmen long PNG i save painim ol saveman dokta na ol teknikal lain long ausait long helpim wok bilong daunim sik kensa long kantri.

Long bihainim dispela singaut, gavman bilong Taiwan i pasim tok long salim wanpela medikal tim i kam long PNG long bringim dispela kain helpim na tu, long senisim save bilong medikal wok i go i kam long dispela taim.

Dispela yia 7-pela lain i kam i gat long en; wanpela rediesen onkolojis, wanpela medkal imijing dokta, wanpela patolojis, wanpela enterostomi terapis, wanpela nes na wanpela administreta bilong wokim medikal sevis, klinikal trening na long helpim long stended operesen a long patoloji sekap.

Australia helpim long ol midwaif sumatin



Kaunsila Developmen Kopresen long Australia Hai Komisen, Dokta Geoff Clark i givim wanpela midwaif kit i go long sumatin Marina Paike

I gat 88 yangpela sumatin midwaif i kisim ol speselis masin long helpim ol long mekim wok bilong mama i karim bebi insait long ol rurel ples bilong Papua Niugini.

Australia gavman i kam gut gen long givim dispela bikpela helpim tru long ol meri na man helt woka husat i gat spesel wok bilong helpim ol mama long karim bebi, long las mun.

Ol dispela 88 sumatin midwaif i bin kisim dispela ol midwaif kito masin samting long Pot Mosbi na Goroka olsem hap bilong skolasip bilong ol long mekim Basela ov Midwaif stadi aninit long Australia Awod Pasifik Skolasip program.

Ol sumatin i kisim ol masin olsem bebi skel na fetal dopla, we ol i yusim long painim na harim lewa bilong bebi i stap long bel bilong mama long taim ol i holim rurel sumatin ples-

men progrem long mun Septemba.

Marina Paike, wanpela sumatin bilong Sental Provins, i tok, “Sampela taim ol mama bai i no pilim gutpela taim mipela i begim bel bilong ol wantaim fetal skop bikos lewa bilong bebi i save pam isi tru na mipela i no inap long harim gut.

Tasol taim mipela i yusim dopla em bai kisim gut pam bilong lewa bilong bebi. I gat wanpela beg na karamap bilong nus we mi ken yusim long helpim long givim win gen long bebi sapos bebi i pasim win.”

Kaunsila Developmen Kopresen long Australia Hai Komisen, Dokta Geoff Clark, i givim ol masin samting long ol sumatin insait long Yunvesiti bilong Papua Niugini kempas.

Dokta Clark i tok PNG na Australia i save olsem sapos i gat man o meri i save long raitpela we bilong

helpim mamalong karim bebi, planti mama bai i no inap dai long taim bilong karim bebi.

“Ol helt woka long PNG bai i no lainim tasol ol nupela na gutpela we bilong mekim wok, nogat.

Ol bai kisim ol tul tu long helpim ol,” Dokta Clark i tok.

I gat 500 midwaif i save kisim sumatinng aninit long Australia Awod Pasifik Skolasip stat long yia 2012 i go pinis long 2015.

Helpim bilong Australia i wok long wokim gut gen 4-pela midwaif skul lng PNG na i wok long mekim namba 5 skul long sumatinm moa midwaif insait long gutpela hap.

Australia i save sapatim tu ol klinik midwaif fasiliteta husat i wok wantaim ol tisa na sumatin long ol skul long kamapim gut pasin bilong tis na mekim ol greduet i kisim strongpela tingting bilong wok.

Sri Lanka-PNG Frensip

Faundesen helpim Ai klinik POT Mosbi Jeneral Haus sik Ai o Optamoloji Yunit nau i ken wokim ol operesen long ai hariap na moa manmeri i ken lukluk gut wantaim gutpela ikwipmen i kam long donesen bilong ol Sri-Lanka PNG Frensip Faundesen.

Wok bilong Dokta Simon Melengas, namba wan dokta bilong ai em i bilong wokim operesen bilong ai we em i save wokim em long rausim wanpela kain glas (konea) we i save karamapim ai na dispela i save mekim sikman o meri i ken lukluk gen bihain tasol long operesen.

Sri Lanka-PNG Frensip Faundesen i givim sampela ol spesel tul (corneal trephines) bilong katim o klinim samting i save gro na pasim ai long lukluk.

Ol dispela tul o masin bilong operesen long ai i gat sap samting olsem resa tasol em raun olsem silinda. Dispela tul em sap stret na i liklik tru na inap tasol long mekim dispela wok long operesen bilong ai olsem ol i dia tumas.

Sapos dokta bilong ai i yusim dispela samting bilong

klinim ai, em i save makim gut stret na i no gat bagarap i save kamap na ol siklain i save kamap gut klostu olgeta taim.

Sri Lanka-PNG Frensip Faundesen i baim long Colombo Ai Benk long Sri Lanka na donetim long Optamoloji Yunit long Pot Mosby Jeneral Haus sik.

Mista Wasantha Kumarasiri, Petron na namba wan Presiden bilong Sri Lanka-Papua Niugini Frensip Faundesen na Honoreri Konsul bilong Sri Lanka long Papua Niugini i tok, konea program em i soim pasin bilong ol i givim samting i go bek long PNG komyuniti na long holim yet gutpela wantok system namel long tupela kantri.

“Dispela donesen i soim gutpela bel namel long tupela kantri na tu em i kam olsem presen i go long helpim ol pipel husat i no inap long baim dispela kain sevis. Ai em i wanpela spesen presen God i givim bilong lukluk. Mipela i luksave na sapatim wok bilong Dokta Melengas na lain

bilong em na mipela i laik wok yet long bihain taim,” Mista Kumasiri i tok.

“Dispela i kwipmen i kam long ol pren bilong Sri Lanka bai helpim mipela long program bilong stretim ol konea long ai operesen. Mipela nau inap long mekim moa operesen hariap na ol siklain bai kisim gutpela helpim. Mipela i tenkyu tru long wok bilong Faundesen long painim ol dona bilong konea bilong wanem PNG i no gat konea benk na tu long narapela hap em i sot. Ol pren bilong mipela long Sri Lanka i painim dona long Colombo Ai Benk long Sri Lanka,” Dokta Melengas i tok.

“Stat long 1995 i kam tim bilong mi i wokim pinis 42 operesen, na wantaim dispela nupela ikwipmen mipela i lukluk long mekim moa samting insait long tripela mun. i gat moa long 100 siklain i wet long Pot Mosbi na planti moa i stap long olgeta hap bilong kantri, olsem na donesen bilong Sri Lanka-PNG Frensip Faundesen i kam long taim stret,” em i tok.



Dokta Simon Melengas, Sif Optamolojis, Pot Mosbi Jeneral Haus sik, na Dokta Jambi Garap, Deputi, i kisim ol konea trepin long sampela lain bilong Sri Lanka-Papua Niugini Frensip Faundesen.

Poto: Rocky Roe



Yut, Meri na Famili

Pastor Barbara Lunge

Wanem spirit i bosim laip bilong yu?

HUSAT i bosim laip bilong yu, na husat i draivim laip bilong yu, na husat i stap tru long laip bilong yu?

Ating kalsa bilong yu o masalai spirit i bosim yu? O ating tingting bilong yu yet i wok long bosim laip bilong yu? Husat i stap tru long laip bilong yu? Laip bilong yu i kamap gutpela o nogut long ol narapela lain? Wanem samting i save mekim na yu save mekim gutpela pasin o pasin no gut long taim yu bungim sampela hevi?

Pasin bilong planti lain i save bihainim wanem kain spirit i stap insait long laip bilong ol. I gat tupela kain spirit i stap. Wapela em i Holi Spirit bilong God na narapela em i spirit no gut. Namba wan as bilong spirit nogut em bilong kilim man, stilim na bagarapim na mekim ol pipel i mekim pasin olsem ol enimal. Tasol wantaim strong bilong Holi Spirit, Jisas i kam na givim yumi gutpela laip tru. Pasin bilong Holi Spirit i save kamapim pasin bilong pret long God, laikim God na ol narapela, na ol gutpela pasin. Taim spirit no gut i bosim laip bilong wapela man o meri, pasin bilong em i no save kamap gut na ol man na God tu i no save amamas long dispela.

Trupela man insait long yu em i spirit man bilong yu we em i save bosim yu long mekim samting i gutpela na bringim yu long gutpela ples. Ol dispela baibel ves bai givim sampela tok klia long pasin na laip bilong yu.

"Yupela save pinis long pasin bilong olupela bel. Em ol kain pasin olsem, pasin pamuk na pasin doti na pasin bilong bel i kirap long mekim ol pasin nogut, na pasin bilong lotu long ol giaman god na pasin bilong mekim ol kain posin na pasin birua na belhat na kros na bel nogut na mangal na pasin bilong ting long yu yet tasol na tok pait na brukim lain, na pasin bilong bel kaskas long ol man i stap gut na pasin bilong spak na hambak na singaut bikmaus nabaut, na ol kain wain pasin olsem. Bipo mi tokim yupela pinis, na nau mi mekim wankain tok gen. Olgeta man i mekim ol dispela kain pasin, ol bai i no inap i go insait long kingdom bilong God." Galesia 5:19-21

"Dispela kain save em i no kam daun long heven. Nogat. Em i samting bilong dispela graun tasol. Em i save kamap long olupela bel, na Satan em i papa bilong en. Harim. Ol man i save bel nogut long ol arapela man, na oltaim ol i save painim rot bilong apim nem bilong ol yet, ol dispela man i no save sindaun gut, na ol i save mekim olgeta kain pasin nogut. Tasol ol man i kisim kain gutpela tingting na save i kam long God, ol i save mekim pasin olsem. Nambawan, ol i save bihainim klinpela tingting. Na namba 2, ol i save stap wanbel wantaim ol arapela, na ol i save isi long ol, na ol i save harim tok bilong ol arapela man. Ol i save sori tru long ol arapela na mekim gutpela pasin long ol. Ol i save mekim wankain pasin tasol long olgeta man. Na ol i no save giaman long bihainim gutpela pasin. Nogat. Ol i bihainim tru. Sapos yumi stap wanbel, dispela em i olsem yumi planim ol pikinini kaikai. Na long dispela pasin bilong wanbel, ol stretpela pasin i kamap long laip bilong yumi olsem gutpela kaikai i kamap long gaden." Jems 3:15-18

"Olgeta manmeri i larim Spirit bilong God i stiaim wokabaut bilong ol, dispela ol manmeri i stap pikinini bilong God." Romans 8:14

"Tasol Holi Spirit i save kirapim yumi long mekim ol gutpela pasin olsem, pasin bilong laikim tru ol arapela na pasin bilong amamas na pasin bilong i stap bel isi na pasin bilong i no belhat kwik na pasin bilong helpim ol man na mekim gutpela pasin long ol na pasin bilong wokabaut stret oltaim. Na pasin bilong i stap isi na pasin bilong daunim laik bilong olupela bel. I no gat wapela lo i tambuim ol dispela kain pasin. Olgeta manmeri bilong lain bilong Krai ol i kisim olupela bel wantaim ol laik na mangal nogut bilong en, na ol i nilim pinis lng diwai kros na em i dai pinis. Holi Spirit me i givim laip long yumi olsem na yumi mas larim Holi Spirit i stiaim olgeta wokabaut bilong yumi." Galesia 5:22-25

Yu i ken kisim salens long Tok bilong God na skelim laip bilong yu, pasin na tingting bilong yu. God i no laikim na tu ol pipel yu bungim. Yu bai i no inap long go insait long kingdom bilong God tasol olgeta bai go stap long hel oltaim, oltaim. Wapela rot tasol em long tanim i go bek long God na tok sori long sin bilong yu. Yu inap long painim dispela kain laip insait long Krai Jisas.

"Sapos yu tokaut klia long Jisas em i Bikpela, na sapos long bel bilong yu, yu bilip long God i bin kirapim bek em long matmat, oraif bai God i kisim bek yu. Long bel yumi save autim bilip bilong yumi na God i kisim bek yumi. Olsem na olgeta manmeri i askim Bikpela long helpim ol, em bai i kisim bek ol." Rom 10:9-10, 13, Acts 3:19

Sapos yu nidim prea, yu ken rait long: **Evangelis, Barbara Lunge, ROGIM, P.O. Box 3063. Boroko. NCD. PNG, o ring long 70995378 o salim email long: lungeb37@gmail.com**

merinus

Kulau soim welkam "kagin bilong Madang' long Mindre

Kames G. Kila i raitim

NAISPELA kala tru wantaim tumbuna bilas na pairap bilong kundu na samsam i mekim Fonde apinun long rot i go long Mindre viles long Basamuk, Raikos distrik i stail tru. Ples i sain stret taim retpela bilas na kala bilong purpur bilong ol meri Mindre i kam gut stret.

Dispela ol pasin i soim gutpela welkam long ol lain bilong Mineral Risoses Atoriti na GRM Intenesenel i go long bringim wapela pigeri projek long ol mama long Basamuk eria long Raikos. Dispela em namba wan projek tru we em histori stret long Wol Benk mani i saptim ol liklik mama na meri long ples long Raikos.

Wapela gutpela welkam we i kamap em bihain long singsing grup i bringim ol lain visita i go insait long Mindre viles, ol



Ol yangpela meri long Mindre viles klostu long Basamuk i bringim kulau olsem kastom bilong welkam long nupela lain i go long ples bilong ol. Em i pasin o 'Kagin bilong Madang Stret'.

Poto: James G. Kila

lain i redim program i askim ol lain long sindaun long mat long graun. Dispela i soim olsem ol i mas stap wantaim ol pipel stret na pilim kain sindaun ol manmeri bilong ples i gat.

Taim ol lain i sindaun pinis long mat em ol ples lain i wokim long lip bilong kokonas, long ol nupela lain i go long ples i mas sindaun long en. Dispela ol lain husat i go sindaun long mat em bikmeri i

makim Wol Benk, na tu, konsalten bilong GRM Intenesenel, Ronel Fouri, opisa bilong Komes na Tred Elizabeth George, jenda opisa bilong Ramu-NiCo (MCC), Agatha Yombai na Suprintenden bilong Komyuniti Afes (CA) long Basamuk, Jacky Wang.

Taim ol lain ya i sindaun malolo pinis, tok save i go na ol lain i katim kulau na ol yangpela meri Mindre i

bringim long lain stret i go givim long ol dispela visita. Dispela em pasin Madang stret bikos kulau i save soim welkam na amamas long nupela lain i go long ples bilong ol.

Long sampela hap em rop buai na daka i save stap, tasol bringim kulau long stretim nekdrai bilong ol nupela lain i go long ol nambis ples long Madang em pasin 'Kagin bilong Madang Stret'."

OTML givim moa fan long helt program

Stori na poto i kam long OTML midia yunit

OL pipel bilong Not Flai Distrik long Westen Provins bai kisim yet helt sevis bikos OK Tedi Main Limited (OTML) i givim sampela moa mani long helpim helt sevis bilong ol.

OTML i givim K32 milien moa i go long Not Flai Helt Sevis Developmen Program (NFHSDP) long narapela 5-pela yia i kam inap long yia 2018.

Dispela helt program, i kamap long tingting bilong OTML yet long yia 2009 na insait long namba 5 yia bilong en, em i bin helpim gut tru distrik helt sevis stendet long kamap gut.

OTML Employa Jeneral Menesa na Ekstenal Rile-sens Musje Werror i tok, tingting bilong givim moa mani long narapela 5-pela yia moa bai bringim moa sevis i go insait long ol rurel eria bilong distrik.

Ol Abt JTA na Evangelikal Sios bilong PNG (ECPNG), Katolik Helt Sevis na Not Flai Distrik Helt Sevis i (NFHSDP) wok poroman aninit long dispela helt sevis program.

"OTML i laikim gutpela stori bilong em bai stap bihain taim olgeta wok bilong main i pinis. Olsem na mipela ii laik helpim ol komyunit long ol i mas gat gutpela stendet bilong helt na edukesen sevis we bai

helpim ol pipel long bihain," Mista Werror i tok.

Abt JTA Jeneral Menesa, Geoff Scahill i tok dispela program i helpim planti lain long ol rurel eria insait long distrik we pastaim i no save lukim wapela kain helt sevis olsem. Na em i tok tenkyu long OTML long putim mani i go insait long dispela helt sevis.

"Mi amamas long ol woklain bilong NFHSDP na ol patna long strongpela wok ol i mekim insait long las 5-pela yia na mekim dispela program i kamap gutpela tru. Maski ol i mas wok insait long hatpela ples, ol i brukim ol kain hevi na bringim helt sevis i go long Westen Provins,"

Mista Scahill i tok.

Long taim dispela program i kirap long 2009 i kam inap nau, planti gutpela senis i bin kamap na i helpim planti ol helt indiketa o mak bilong helt.

Namba bilong ol lain i kisim malaria i go daun long 316 long 2009 na kisim 143 tasol long 2013; misels banis sut i karamapim 58 pesen i winim 39 pesen bilong 2009; namba 3 raun bilong pentavalen i senis long 49 pesen long 2009 i go antap long 74 pesen long 2013; na mama karim i kisim helpim em 82 pesen long 2013 i winim mak bilong 65 pesen long 2009.



Nes Veronica Kekae bilong Not Flai Helt Sevis Developmen Program i givim banis sut long wapela liklik boi bilong Gusiore viles insait long Not Flai Distrik. Wapela nesi opisa bilong Not Flai Helt Sevis Developmen Program, Grace Lipen i helpim wapela pikinini long Tabubil.

Tok amamas long Medikol Sosaiti bilong PNG i holim 50 yia medikol simposium

MEDIKAL Sosaiti bilong PNG long dispela wik i holim gen enual Simposium long Yuni-versiti ov Goroka (UOG), Isten Hailans provins.

Dispela bung em i narapela kain liklik bilong wanem em i namba 50 yia eniveseri bilong Medikol Sosaiti bilong PNG i holim Simposium.

PASIFIK IntenesenelHaus sik (PIH), tu i salim wanpela tim bilong en i go long Simposium, tripela dokta na tupela woklain bilong maketing. Nem bilong ol dispela dokta em, Umesh Nichat, Operesen Dairekta, Ronal Galico, Kadiolojis, na Jonathan Obefias, Patolojis na tupela woklain bilong maketing dipatmen em, Joel Sarmanta na Anand Gangadhar husat bin stap tu long bung.

PIH Ekting CEO, Dokta Amyna Sultan i salim bikpela tok amamas bilong PIH i go long medikol Sosaiti bilong PNG long holim namba 50 yia eniveseri bung bilong medikol simposium nau i kamap.

Long Sande nait Ogas 31, taim ol i opim simposium, Gavana bilong Isten Hailans, Julie Soso i bin stap na tok welkam long ol deliget. Misis Soso i bin toktok long wari bilong em long dispela sik sevakel kensa na em i askim medikol sekta long redi long globe-athon. Em i tok olsem em i gat wari olsem bikpela namba bilong ol meri long PNG i wok long dai wantaim kensa long susu na long rot bilong karim bebi tasol dispela sik i gat marasin long oraitim.

"I gat marasin bilong stretim dispela kain sik kensa na mipela ol meri i mas kisim gutpela helpim yet. Long Isten Hailans mipela bai givim K1.2 milien long traime na kirapim wanpela kensa senta na mi midim helpim bilong yupela," Misis Soso i tok.

Minista bilong Pablik Sevis na Memba bilong Abau, Sir Puka Temu, husat i bin stap makim Praim Minista na Nesenel Eksekutiv Kaunsil (NEC) long simposium i bin toktok long bikpela sapot bilong O'Neill-Dion gavman long sapotim helt sekta.

"Long namba wan taim tru insait long PNG, dispela gavman nau i givim bikpela helpim tru long helt sekta. Tasol yumi ol lain bilong helt sekta i no save tok strong long ol politikal lida bilong yumi long sapotim yumi," Mista Temu i tok.

"Nau em rait taim i kamap long yumi ken swim antap long gutpela

taim bilong solwara. Tasol yumi mas yusim rait surfboard bilong swim antap long en. Olsem na yumi mas kamapim ol mirakol taim bikpela laik bilong politik i stap nau long helpim helt sekta," em i tok.

Olgeta toktok i kamap long simposium i no toktok tumas long ol nupela wok tasol ol ilaik long lukluk i go bek gen long ol wok bilong medikol Sosaiti bilong PNG na Helt Sekta long las 50 yia i go pinis.

Tasol ol sampela nupela samting ol i bin toktok long en, em ol nupela masin na teknoloji we PIH nau i gat. Sampela nupela masin teknoloji olsem Piksa-pefek masin MRI skena na Cystatin-C.

Cystatin-C em i wanpela masin ol i save yusim long lukim piksa bilong kidni na lukim sik long ol lain i gat sik long kidni. Dispela masin i ken kamap senis bilong narapela masin ol i kolim creatinine. Cystatin-C em i save givim moa klia piksa long wanem kain hevi stret i stap long kidni na em i no wok gut moa, winim creatinine bikos em i no gat mak bilong wanem krismas sikman o meri i gat, o em i man o meri o wanem kain masol em i gat. Blut na wara i stap long Cystatin-C i no save senis long wanem kain sik, liklik o bikpela sik long liva.

Dokta Jonathan Obefias, Patolojis bilong PIH na man i go pas long lebaretri tude i bin toktok long wok bilong Cystatin-C, masin bilong sekim ol sik long kidni long ol lain patolojis.

PIH i bin bringing namba wan masin bilong CT sken, hemodialysis, mamograpi, na nau ol arapela sevis olsem Cystatin-C i kam.

Narapela masin nau i stap long PIH em Piksa-pefek, trupela "piksa" masin. Wantaim dispela masin na nupela teknoloji, ol siklain bai inap long lukim piksa bilong sik bilong ol olsem sik long lewa o hat (cardiovascular) na sistem bilong bodi (neurological) disis patoloji. Nau yet ol stori bilong dispela kain sik i save kamap long taim ol dokta i sekim siklain na non-invasive ilektro-pisiolojik modaliti. Ol lain i gat sik bai i no moa go long ovasis na tromoi bikpela mani long sekim sik long gutpela masin teknoloji na kisim helpim.

Klostu nau, long dispela 2014 yet, mipela bai i gat wanpela namba wan Megnetik Resonans Imijing (MRI skena - Philips 1.5 tesla ACHIEVA) - na wanpela Cath Lab long kantri. I gat nupela na namba wan kain Philips FD -

10 C XPER ALLURA, nau ol i wok long putim long nupela PIH long Taurama, Pot Mosbi. Dispela masin bai givim ol kain sevis olsem ol piksa bilong lewa na ol rop bilong blut i go long lewa o hat, (cardiac angiograms, angioplasty), putim hat masin long lewa (pacemaker) na ol narapela wok bilong stretim hap bilong bodi (neuroendovascular) we ol lain i save go long ovasis long kisim dispela sevis.

Ol piksa we MRI masin bai givim bai soim ol rop na mit na gris bilong bodi gut tru i winim CT sken. Wanpela gutpela samting long MRI em olsem, dispela masin i gat we long senisim ol piksa sapos teknisen i mekim wanpela kain senis long en. Taim ol i tanim masin long soim narapela piksa bilong wankain hap bilong bodi tasol, em bai soim narapela hap bilong sik tu. Long dispela tasol na MRI i mas kamap namba wan samting long yumi yusim long sekim ol masol, bikpela rop bilong bodi, na ol bagarap i kamap long ol join bilong bun, bagarap long bun bak-sait, ol solap insait long kru bilong het na ol liklik bam o sua long kru bilong het olsem Matipel Slerosis, Akustik Nuromas o low-gred Astrositomas. Bai gat gutpela MRI sken bilong susu kensa na sik long hat o lewa tu.

Taim nupela hat senta long PIH Taurama i redi, em bai gat kain kain nupela teknoloji masin na wanpela Cath lab, na em bai i gat wanpela residen na visita intevensenel kadiolojis tim i kam long Australia na India. Wanpela residen kadike sejeri tim bai stap olgeta taim wantaim namba wan teknoloji na ikwipmen wantaim ol helt woka bilong Intensive Kea Yunit (ICU) bai stap sambai olgeta taim. Long wankain taim tu, ol speselais nes na teknisen bilong ovasis bai stat long trenim ol wanwok bilong ol bilong PNG long wok long ol dispela masin na teknoloji.

Mipela i laik long trenim ol nesenel dokta aninit long wanpela pablik-praivet patnasip program na tu long helpim ol siklain husat i kisim helpim long PIH long ol i no ken baim sevis long bikpela mani tumas.

Ol siklain bai i no ken hatwok moa long stretim ol paspot na ol arapela pepa wok bilong go long narapela kantri na kisim dispela kain sevis.

Long taim mipela i opim ol dispela sevis mi kolim antap, PIH bai holim wanpela CME/CPD semina bilong ol medikol frateniti long givim ol toksave bilong Kadioloji na Nurosejerisevis mipela i gat.





Toktok i kam long
Mel Togolo
PNG Kantri Menesa bilong



PNG Tred deligesen go long Nu Kaledonia

WANPELA deligesen i makim gavman na praivet sekta na ol wokman bilong Dipatmen bilong Tred, Komes na Industri i go kamap long Noumea, Nu Kaledonia long miting bilong Melanesian Spiahet Grup.

Ol i kamap long invesmen miting long 19-20 Ogas 2014. Bisnis konprens tu bin kamap wantaim Tred Eksabisin long Noumea.

PNG bai holim namba tu miting bilong MSG Invesmen na Rotso na Tred long Novemba 3 na 4 long Pot Mosbi. Em bai wanpela bikpela miting bilong ol kantri long Pasifik, Fiji, Solomon Ailan, Vanuatu, Nu Kaledonia, bai kam long PNG.



Plening Komiti na Sekreteriet i wok nau long mekim wok redi long dispela miting. Long piksa em ol sampela PNG prodak ol i soim long ekse-bisn long Noumea long bisnis simposium.

Welkam long namba 5 Nautilus Minerals nius apdet.

Long dispela tupela wik i go, ol wok tim bilong mi i lukim gutpela taim na sampela taim i no gutpela tumas.

Tupela wik i go pinis mipela i kirap no gut long harim dai bilong wanpela wanwok bilong mipela, wanpela gutpela man long wok wantaim na gutpela pren, Mista Lawrence S Acanufa OBE (Snr). Lawrence em i wanpela senia memba bilong Nautilus tim na em i bin mekim bikpela wok long bringim bek wok bilong Solwara 1 Projek. Tok stia bilong em, edvais bilong em na wok em i givim bai hat tru long mipela i lusim tingting long en, tasol mipela bai ino inap tru long lusim tingting long em olsem wanpela gutpela pren tru. Mipela tingim na prea long ol pikinini bilong em, famili na ol pren bilong em long dispela taim bilong hevi na wari.

Long narapela nius, Nautilus Minerals i bin wok bung wantaim PNG Nesenal Laibreri long bringim ol teks buk i go long Namatanai Hai Skul long Niu Ailan Provins. Nesenal Laibreri nau i wok long ranim wanpela Kina bilong Kina Skim we em i givim mani mak bilong wanpela buk skul i baim, i go bek long skul. Ol lain wok tim bilong mi i bin bringim ol buk na ol dispela buk bai helpim ol sumatin long kisim save long ol gutpela buk we pastaim ol i no bin gat.

Sampela wik i go pinis ating yupela i bin lukim wanpela edvetismen bilong 2014 Marin Saiens Sot Kos (MSSC). Dispela 3 wik trening kos i bin kamap long Yunivesiti bilong Papua Niugini na Duke Yuniv-siti (I stap long USA). Klostu taim nau bai kodineta bilong



Nautilus Minerals employees presenting textbooks to the Principal of Namatanai High School

dispela kos bai toktok wantaim ol lain husat i winim ples long eplikesen bilong ol. Olgeta lain husat i no winim eplikesen bilong ol, mipela tok tenkyu tru long yupela givim taim bilong yupela long aplai long kisim dispela kos na plis putim ai yet long websait bilong mipela long narapela taim gen bai dispela kain sans i kamap.

Mi amamas long tokaut olsem mipela nau i wok long painim wanpela man o meri long kisim wok long wanpela senia posisen. Nautilus Minerals i gat strongpela kalsa bilong CSR na mipela i gat amamas long CARES program bilong mipela. Mipela bai go het yet long wok bilong mipela wantaim olgeta lain stekholda bilong mipela. Nau mipela bai kisim wanpela Senia CSR Menesa long lukautim dispela wok. Dispela opisa bai go pas long wok bilong ol CSR projek insait long PNG.

I gat gutpela samting bai i kam yet!

**Rigads
Mel Togolo**

Stori bilong Nautilus Minerals inc.

Nautilus em i namba wan kampani long go daun aninit long solwara long painim bikpela polymetalik salfaid i stap insait long as bilong solwara na em i wok long kamapim namba wan projek long Solwara 1, insait long ol solwara bilong Papua Niugini, we em i laik kisim kopa na gol. Kampani i kisim tok orait pinis long ol envairenmen na maining pemit. Sapos yu laikim moa toksave, rait i kam long: P O Box 1161, Port Moresby, NCD o lukluk long websait bilong mipela long:

www.nautilusminerals.com / www.cares.nautilusminerals.com

ICCC i tok klia long Telikom PNG i laik baim Datec

INDEPENDEN Kon-suma na Kompetisen Komisn i tok save long indastri pilaia, ki stekholda na ol pablik olsem em i pinisim wok bilong em long glasim kompetisen long proposal bilong Telikom Limited long kisim Datec PNG, kampani bilong Steamship Trading Company.

Komisina na Sif Ektiv Opisa bilong ICCC, Dokta Billiy Manoka i tok ol eria bilong kompetisen we dispela baim bilong Datec bai afektim em long (1) riteling bilong broadband intanet ekisen sevis na (2) provision bilong holisel bendwit sevis i go long ol internet sevis provaida (ISP).

Aninit long lo bilong ICCC, em i tambu long ol bisnis i baim ol narapela bisnis we em bai kamapim sampela hevi long daunim kompetisen. Na ICCC em i go pas na i mas klaim dispela pastaim.

Wok bilong ICCC long givim tok orait i kam aninit long lo sapos wanpela kampani bilong gavman i laik baim narapela kampani long wok bisnis.

Dokta Manoka i tokaut olsem ICCC i mekim gut wok painimaut o asesmen long Telikom i laik baim Datec PNG.

Dokta Manoka i tok ICCC i painim aut olsem taim Telikom i baim Datec PNG bai no gat asua long kompetisen long maket. Olsem na iCCC i givim tok orait long Telikom PNG bai go het na baim Datec PNG long Steamship Trading Company.

Dokta Manoka i tok, sapos Telikom na Steamships Trading i bin pinism olgeta trensek-sen bilong Salim na baim Datec bipo long ICCC i givim tok orait, lo bilong ICCC bai i no inap karamapim tupela pati wantaim.

Seksen 69 bilong ICCC Ekt i tok tambu long salim o baim bisnis o ol sea bilong gavman sapos dispela baim na salim i ken daunim kompetisen long maket.

Tasol ol pati i ken aplai i go long ICCC long kisim tok orait bilong seksen 69 bilong ICC Ekt aninit long seksen 81 na 82 bilong ICC Ekt.

ICCC bai givim tok orait notis bihain long em i sekim gut na painimaut olsem dispela salim na baim bilong gavman aset na bisnis bai i no inap daunim kompetisen long maket.

Wok bilong ICCC em long sekim gut na lukim sapos pablik bai kisim gut sevis long ol kain bisnis dil wantaim set bisnis o aset.

ICCC i tok dispela tok orait i kam aninit long lo bilong kantri na i kampani long ICCC Ekt na i save kamap long stret-pela rot olgeta taim.

Uni bisnis bai kisim sapot long 2015 baset

Stanley Nondol i raitim

PRAIM Minista Peter O'Neill i tokaut olsem gavman bilong em i mekim plen long sapotim ol yunivesiti long kantri long mekim mani long sapotim ol yet long 2015 baset bilong kantri.

Praim Minista O'Neill long palamen i tok gavman bai sapotim ol yunivesiti long winmani bilong kantri long stretim ol infrastraksa long skul, gavman i laik ol yunivesiti i kamapim rot bilong painim mani bilong ol yet na i mas stap long gutpela fainensel posisen long sapotim ol yet.

Praim Minista O'Neill i tok em i bin raitim pas i go long Haia Edukesen Minista, Malakai Tabar long dispela wik long kwiktam toktok wantaim ol yunivesiti long kamap wantaim polisi bilong mekim dispela tingting i karim kaikai.

Dispela toktok namel long Minista Tabar na ol yunivesiti bai lukim ol toktok long mekim reviu bilong bisnis model ol yunivesiti i yusim, na ol rot bi-

long yusim ol aset na profesenel sevis bilong yunivesiti long kamapim mani.

Ol sampela rot ol yunivesiti bai luluk em olsem ol i ken kamapim ril estet o hausing bisnis, kamapim ol graun i stap nating long mekim mani na mekim gut mani long ol haus ol i gat tasol ol i no mekim mani, ol i ken mekim bisnis long en. Dispela em sampela samting Minista Tabar na ol yunivesiti bai toktok na long lukluk long en.

Mista O'Neill i tok ol yunivesiti i wok long kisim mani helpim long gavman tasol long operet, tasol ol yunivesiti i gat bikpela sans i stap long ol i ken mekim mani bilong ol yet long lukautim ol yet long planti wok developmen bilong ol na ol arapela ekspens.

"Planti ol yunivesiti long wol i wok long operet long ol bisnis model, we ol i mekim inap mani bilong ol na sapotim wok bilong operesen na kepitol invesmen. Em i gutpela taim nau long ol yunivesiti bilong yumi long kisim save long ol bisnis model we ol arapela long wol i yusim," Mista O'Neill i tok.

Ol Katolik peris na pris i gat salens

... Musik, skul tok na ministri bai pulim ol memba

SALENS i stap long ol Katolik peris na ol pris long kism bek ol sios memba husat i lusim sios, o i no gat intres long go long lotu.

Dispela i wanpela long ol samting we bung bilong Katolik Sios long Sydney Australia i bin glasim long wanpela wik i go pinis.

Kain bung i save kamap bihain long tupela yia we ol Katolik Sios lida long Australia i save bung na toktok long ol samting i karamapim sios, sios i go olsem wanem na wanem samting ol i ken mekim long stiam sios i go fowed nau na long ol yia i kam.

Ol bin holim Proclaim 2014 Konprens long Sydney long Ogas 21 inap long de namba 23. Het tok em, "Living the Joy of the Gospel in Parishes".

Tupela man Amerika bilong Nativity Peris long Timoni, Marylan long Amerika i bin givim gutpela piksa long het tok bilong konprens we i bin opim ai bilong planti ol lain i stap long bung.

Long toktok bilong ol, Pater Michael White na Tom Corcoran em wanpela papa i gat 7-

pela pikinini tasol i wanpela strongpela wok man bilong peris i bin askim ol yet watpo ol perisina i save lusim peris hap wantaim no gat gutpela senis. Na ol i givim wanpela tok piksa long samting we i bin opim ai bilong ol na ol i traim ol arapela rot mekim pipel i gat intres long kam long peris na lotu.

Tupela i stori olsem wanpela nait, wanpela meri i save go long ol fraide nait family dina wantaim planti narapela lain i bin komplem long fri kaikai long kism ol i lusim haus na ol i ken bung wantaim.

"Long dispela taim stret, mipela i luksave olsem mipela i wok long kamapim ol kastoma na konsuma husat i askim long kism gutpela sevis, na i no pikinini bilong God.

"Mipela i askim mipela yet olsem watpo mipela i wokim dispela," Pater Michael na Tom i tok.

Olsem na tupela i fokus long Sande Yukaris na tripela bikpela samting olsem musik, mesej o toktok na ministri na tupela i pulim moa memba i go insait long sios na ol misa lotu long Nativity Peris.

"Musik ministri em samting i

save konektim ol man i go antap i go long Bikpela na planti lain long peris i save go insait long en.

Pater Michael i tok peris pris i mas gat strong long lusim long han bilong em na makim ol lain we i gat gif long wokim dispela.

Em i tok ol manmeri bai go bek long peris sapos ol i kism ol gutpela tok stia.

Em i tok tru, Tok bilong Bikpela long Baibel em i bikpela samting, tasol ol manmeri i laikim gutpela "homily" o stiatok bilong pater we ol i ken kism na mesej i wok long laip na famili laip long wan wan bilong ol.

"Semon o tokskul i mas fokus, klia na karim strongpela mesej, redim gut na autim gut" we bai pulim ol famili i go long sios na go insait long ol sios program na ektiviti, ol grup na ol ministri insait sios komyuniti," Pater Michael i tok.

"Ol taim we yumi opim dua bilong sios na wetim ol manmeri long go insait i ova pinis. Nau yu mas invaitim o askim pipel long kam. Mekim ol i pilim welkam we i stat long kapak we

ol peris volantia i mas wetim ol famili i kam. Na long dua bilong sios we ol volantia i soim pipel i go insait na painim spes bilong ol na ol pikinini i sindaun. Tu, ol ministri i kism blesing long mekim wok na ol pater i mas welkamim gut pipel," Pater Michael i tok.

Dispela i bin mekim moa pipel i go long sios, moa pipel i go insait long wok volantia, sariti wok najoinim ol narapela ministri.

"Dispela bai helpim ol sios memba i lusim tingting na pasin bilong kism samting tasol (konsuma) i kamap ol kontributa, long harim tasol i go long mekim samting insait long peris komyuniti. Yu laikim ol manmeri i no bilong givim tasol sevis, tasol ol i mas strongim bilip laip bilong ol," Tom i tok.

Askim i kamap nau sapos ol piksa we Pater Michael i mekim i sut tu long ol peris long PNG.

PNG musikna danis i gutpela stret, tasol olsem manmeri long ol homili o tokskul, na pasin bilong welkamim ol pipel bilong ol lei sios woklain na ol pater? Na wari o no gat long o dispela lain i no save kam long sios?



Mi no go lotu gen

OLGETA Kristen manmeri i save gut wanem de emi de bilong lotu bilong ol. Long Papua Niugini yumi save olsem ol lain Seven De Adventis (SDA) i save go lotu long Sarere na ol narapela Kristen Sios wantaim Katolik Sios i save lotu long Sande.

Long taim bilong lotu, yumi save harim Tok bilong God long Buk Baibel.

Long Katolik Sios, I gat tripela rit. Planti taim, namba wan rit i kam long Olpela Testamen. Namba tu rit i kam long Pas bilong Santu Pol o narapela aposel. Namba tri rit em i Gutnius.

Planti taim, namba wan rit i save go wantaim Gutnius. Wanem samting ol profet i tok long namba wan rit/olpela Testamen i save kamap klia long wok bilong Jisas, o stori bilong Gutnius.

Bihain long rit, yumi harim skul bilong Pater. Ol i skruim moa long tok bilong God yumi harim long olgeta rit bilong de.

Dispela stori i bin kamap long Erima taim mi wok pater long hap(1998 – 2010).

Wanpela de, wanpela pikinini meri i kam long haus bilong mi na stori long mi long wanem samting i save kamap long haus bilong ol bihain long lotu long Sande.

Olgeta Sande nait ol i save bung wantaim na serim gen skul bilong pater long taim bilong lotu. Long dispel rot, ol i kism save moa long tok bilong God na skul bilong pater na traim long bihainim long laip bilong ol.

Meri ya i bin stori olsem, wanpela Sande nait ol i serim gen Tok Bilong God na skul bilong pater (mi) na wantu tasol Papa bilong emi tok; "Mi bai i no inap go lotu long Sande gen. Bikos Skul bilong Pate Paul i save sut stret long mi. Wanem samting Pater Paul i toktok long skul bilong em, i sutim stret long pasin bilong mi. Ating Pater i save pasin bilong mi i gutpela stret olsem na emi save sutim skul bilong emi kam long mi".

Taim mi harim dispela stori, mi pairap bikpela tru long lap, olsem klaut i pairap long skai. Bihain mi wantaim pikinini meri bilong dispela man i go long haus bilong ol long lukim papa bilong em.

Taim mi kamap, emi stap wantaim meri na narapela memba bilong famili bilong ol. Mipela i stori nating pastaim na mi preisim ol long wanemol i save bung long Sande nait na serim gen tok bilong God na skul bilong Pater long haus lotu. Na mi askim stret: "Papa, mi harim pikinini bilong yu i tokim mi olsem yu bai no go lotu moa bikos yu pilim olsem skul bilong mi long haus lotu i save eim long yu, a?".

Em i smail tasol na I tok; "Mi toktok nating tasol Pater".

Mi tokim em olsem, skul bilong mi o narapela pater olgeta Sande long haus lotu i no min long wanpela man o meri. Skul bilong Pater i go long olgeta manmeri. Sampela taim skul bilong ol i sutim stret bel bilong yumi. Tasol i no mak olsem toktok bilong Pater i sutkam long yu. Nogat! Em i tokim olgeta manmeri. Sapos yumi pilim stret tok skul bilong em, em i soim gutpela mak. Skul bilong emi helpim yumi long senisim pasin bilong yumi na tanim bel.

Visit bilong mi na toktok mi givim long emi kli-aim tingting bilong em wantaim ol famili memba bilong em. Olsem na emi no lusim lotu. Em i kam bihainim lotu olgeta taim. Bihain emi tokim mi; "Pater, skul bilong yu i no sutim bel bilong mi tasol. Planti manmeri bilong peris i amamas na kism strong long skul bilong yu.

Sampela i gat wankain tingting olsem mi. Tasol mi tokim ol long wanem samting yu bin tokim mi. Olsem na ol tu i kism save na I klia pinis".

Pater Aloysius Kape idai

KATOLIK SIOs long PNG na moa yet, Bereina Daiosis i bin lusim wanpela Daiosisen pater long pinis bilong mun Julai.

Pater Aloysius Kape i gat 82 krismas i bin lapun nai dai. Em bin wok olsem pater long 47 krismas.

Pater Aloysius i bin wok long planti yia namel long ol pipel bilong Kamulai Peris long maunten bilong Goilala, tu, long In-uaia peris, na ol peris namel long Veifa'a na Yul Ailan.

Em bin namba tri daiosisen pris bilong Bereina bihain long Pater Louis Vangege em namba wan pater bilong PNG husat i bin kamap pater long 1937, na Julian Efi i bin kamap pater long 1955.

Pater Aloysius i bin kamap pater long 1967 bihain em i pinisim seminari skul long Sen Peter Sanel Seminari long Ulapia, Kokopo long Is Nu Brieten na bihain, long Sen Fidelis Kap long Madang.

Planti lain i sori na planti i bin wok wantaim em libin mekim ol gutpela tok-tok long Pater Aloysius.

Bisop Rochus Tatamai bilong Bereina Daiosis i bin mekim ol dispela toktok long Pater Aloysius.

"Em i trupela pasto bilong God long Bereina Daiosis. Trupela man bilong God husat i gat daun pasin, gutpela man i save wokim gut long ol narapela. Em i olsem famili long mipela. Tok sori i go long Bereina daiosis, famili, hauslain na pipel bilong Veifa'a," Bisop Rochus i bin tok.



PASTO, Pumai Madawasa(fran) i kism blessing long kongrigesen bilong em long Akernamfo liklik ples long Kainantu.

Akernamfo Lutheran pasta kism blesing

PASTO, Pumai Madawasa em nupela pasto bilong Akernamfo Lutheran kongrigesen insait long Rihona Paris long Kainantu.

Pasto Madawasa bilong ELC Papua Distrik i hap Samarai na Jiwaka na em marit i go long Siassi Distrik i bin greduet long Ogelbeng, Lutheran Hailens Seminari.

Las mun i go pinis em bin kism blessing long mekim wok long Arkenamfo Kongrigesen.

Blesing bin kamap long bikples Brinumfi we ol Kristen kongrigesen i bin kamap wantaim ol dispela bilong ol arapela peris long witnessim blesing bilong pasta ya.

Long wainkain taim i bin gat progrem bilong tok sori i kamap we ol man meri i karim ol gaden kai kai olsem taro, banana, suga, na pik wantaim long stretim

ol kain giaman pasin bin kamap na i bagarapim bel bilong Kristen bilip man meri.

Gutnius Seketeri bilong Kainantu Lutheran Sios, Paster Kofi Kofi i bin kamap long makim distrik na witnessim progrem i kamap.

Em i amamas long ol Kristen i kamaut na tok sori long wanem pasin ol i bin mekim long harim tok bilong giaman man na givim mani.

Pasto Romana Neni i bin autim tok bilong God long stori bilong Noa husat i mekim bikpela sip na kism ol lain bilong em wantaim ol enimal i go insait long sip, abrusim dispela taim bikpela taitwara inap ol i lus, tasol long God tasol ol i stap gut.

Pasta Neni i salensim ol Kristen bilong Rihona olsem maski laip bilong yumi i stap long kain kain hevi, God bai ino nap lusim yumi.



Ol pipel bilong Tokelau i danis long protes egensim klaimet senis .Foto: ABC

Ol teroris holim 43 soldia bilong Fiji

GAVMAN bilong Fiji i paitim toktok nau wantaim ol lain nogut husat i holim kalabus 43 soldia bilong Fiji long hap bilong Golan Heights. Ol dispela soldia i stap insait long lain bilong Yunaitet Nesen Pis Kiping Fos. Komanda bilong ami bilong Fiji, Brigadia Jeneral Mosese Tikoitoga i tok bai ol i gohet yet long toktok wantaim ol dispela lain husat i holim kalabus ol soldia bilong Fiji. Em i tok ol i kisim ripot olsem wanpela grup ol i kolim Al Nusra Front i bin kisim ol dispela soldia long ples Al-Quanaytirah ples we ol soldia bilong Fiji i stap. Brigadia Tikoitoga i tok bai ol i mekim yet wok bilong lukautim hap bilong Golan Heights maski dispela hevi i kamap.

Em i tok bai ol i wok strong moa long kisim bek ol dispela soldia, na tu, long mekim wok bilong ol long lukautim dispela eria bilong Golan Heights. Fiji i bin salim 434 soldia i go long mekim wok bilong lukautim lo na oda long hap bilong Golan Heights long dispela mun.

Nupela plis komisina bilong Solomon Ailan

SOLOMON Ailan i gat wanpela nupela polis komisina. Dispela nupela komisina na Frank Prendergast, wanpela senia polis opisa bilong Australian Federal Polis. Ol i tokaut long mun Julai olsem em bai kisim dispela wok na em i kamap long Solomon Ailan long dispela wik. I bin gat plan-ti komplek i kamap long ol lokal grup na pablik tasol palamen i bin sapatim Prendergast long kamap komisina bilong polis. Solomon Ailan bai i gat nesenel ileksen long pinis bilong dispela yia.

PNG Human Raits loya i tok Manus ditensen senta i mas pas

Bikpela mani i bin mekim Papua Niugini i guria na sainim tok orait wantaim Australia long putim dispela asailum ditensen senta long Manus provins.

Paul Harricknen wanpela Human Raits Loya bipo i bin toktok wantaim Caroline Tiriman bilong ABC long dispela samting.

Mista Harricknen, i bin sanap makim sampela asailum sika long Manus ditensen senta.

Em i mekim dispela toktok bihain long ol ripot i tok Minista bilong Imigresen long Australia, Scott Morrison i givim oda long stopim wok bilong salim ol asailum sika i go long Manus.

Long mun Februeri long dispela yia, wanpela asailum sika blong Iran, Reza Berati i bin dai bihain long wanpela bikpela pait na trabel i bin kamap long dispela senta.

Paul Harricknen i skul nau long Melbourne na em i tok olsem em i wanbel long tingting bilong Mista Scott.

Mista Harricknen i tok tu olsem Papua Niugini i bin save olsem em i no gat ol gutpela lo i stap long lukautim ol asailum sika, tasol em i bin go het na sainim dispela tok orait wantaim Australia.

Ol liklik ailan kantri i askim long helpim

Ol bikpela kantri long wol i mas wok bung nau long helpim ol liklik ailan kantri long stretim wari bilong climate change.

Ol pipel bilong Tokelau i danis na protes egensim climate change. Shirley Laban bilong Vanuatu husat i go pas blong Pacific Islands Climate Action Network i toktok wantaim Caroline Tiriman bilong ABC.

Ol lain long Pacific Islands Climate Action Network i mekim dispela askim long bikpela miting bilong Small Island Developing States (SIDS) i kamap nau long Apia, biktaun bilong Samoa.

Yunitet Nesens i go pas long dispela miting em planti pipel bilong moa long 100 ol kantri long wol i stap long en.

Pacific Islands Climate Action Network i tok sampela Pasifik kantri nau i wok long lukim pinis hevi bilong solwara i bagarapim pinis ol ailan bilong ol.

Shirley Laban bilong Vanuatu i go pas long dispela lain i tok tu olsem planti NGO grup bilong Pasifik i wari long climate change.

Wes Papua i sutim tok long Indonesia

Ol pipel bilong Sorong long Wes Papua i tok kilim dai long lida bilong ol bai strongim moa laik bilong ol long kisim Independens long Indonesia.

Siaman bilong Fri Wes Papua Kempen long Papua Niugini, Fred Mambrasar i mekim dispela toktok bihain long dai bilong man i go pas long Sorong brens bilong Wes Papua Nesenel Komiti, Martinus Yohame. Ol ripot i tok olsem ol Indonesia sekyuriti fos i bin kilim em.

Bodi bilong em i pulap long hul bilong ol katres na i stap insait long wanpela plastik beg i drip long solwara long Sorong. Em i bin lus bihain long em i toktok long ol media long ol Indonesia i stilim graun bilong ol na i bagarapim ples bilong ol.

Ol Poto nabaut

Insait long las tupela mun i kam inap nau, Gavman Haus i bin lukim saining long ol bikpela wok kontrak insait long kantri, olsem ol poto i soim. *Ol Poto: Gavana Jenerel Midia*



SAINIM BALIMO PLES BALUS PROJEK: Moa long K26 milien Balimo Ples balus projek kontrak saining i bin kamap long Gavman Haus i no long taim i go pinis long kirapim wok bilong apgretim na developim Balimo Ples balus long Midel Flai Distrik long Westen Provins. Saining i bin kamap namel long Dipatmen bilong Minerel Polisi na Jio Hazads Menesmen em Seketeri Shadrach Himata i makim, na ol lain i makim Woks Dipatmen em Menesing Dairekta bilong Woks Sivil Woks, Evele Kala wantaim Agnes Kala.



OL HET BILONG OL GAVMAN DIPATMEN: Hia em ol nupela het o bosman bilong ol gavman dipatmen husat i bin sainim ol wok kontrak bilong ol namel long tripela na 5-pela yia, i no long taim i go pinis. Nem bilong ol em David Wereh olsem Seketeri bilong Woks Dipatmen, Ilagi Veali, Seketeri bilong Nesenel Eksekyutiv Kaunsel, Kevin Kautu, Eksekyutiv Dairekta bilong Kostel Fiseris Dvelopmen Ejensi, Leslie Alu, Siti Menesa bilong Nesenel Kapitel Distrik Komisn, na Boto Gaupu em Sif Eksekyutiv Opisa bilong PNG Kakao Bot.



TOK PROMIS: Nupela Trensport Minista na Mempa bilong Kokopo, Malakai Tabar, i mekim tok promis long nupela wok long ai bilong Gavana Jenerel na Gren Sif, Sir Michael Ogio.

Lae i mas gat strongpela gavman bilong lukautim siti na ol pipel

Lae em i namba tu bikpela siti bilong PNG. I kam inap nau Lae Siti Atoriti i mekim wok bilong lukautim ol sevis na wok na ol arapela samting i stap aninit long lukaut bilong en. Bikpela senis bai kamap nau.

Gavman i statim wok nau long mekim ol wok painimaut na redi long kamapim wanpela kain lain olsem komisin long mekim dispela wok bilong lukautim Lae siti, bai i wok olsem Nesenel Kepitel Distrik Komisnin long Mosbi i mekim nau. Praim Minista Peter O'Neill i givim wok i go long memba bilong Lae, Loujaya Kouza long go pas long stretim olgeta samting.

Tasol i luk olsem gavman bilong Morobe i no redi long paitim toktok long wanem kain samting nesenel gavman i laik kamapim long Lae. I gat bikpela oposisen tru i kamap. Gavana bilong Morobe yet i egen-sim dispela tingting bilong kamapim wanpela komisnin long Lae siti. Ol arapela lokal memba bilong provins tu i no wanbel. Ol lida bilong ol distrik i stap insait long Lae siti i no wanbel. Ol i bilip olsem sapos wanpela komisnin i bosim wok bilong luakutim Lae siti, bai em i tromoi ol i go baksait na i no inap tingim ol.

Ol dispela toktok na wari bilong gavana na ol lokal politikal lida i gat as. Yumi no inap long rabisim wari na toktok bilong ol. Nesnel gavman i no bin tok save long ol pastaim na i tokaut long dispela bikpela senis. Tingting bilong nesenel gavman long kamapim wanpela komisnin bilong Lae siti i gat gutpela as tu. Taim i senis nau. Bikpela developmen i wok long kamap insait long Lae na i mas gat

Aian meri bilong Morobe...



Memba bilong Lae, Loujaya Kouza

strongpela gavman bilong Lae yet long go pas long wok bilong lukautim siti, givim sevis na lukautim ol manmeri na ol bisnis insait long siti. Taim bilong bipo na olupela

pasin bilong mekim wok bilong ranim Lae siti kaunsil i pinis nau. I mas gat senis i kamap long bringim gutpela sindaun long ol pipel bilong dispela siti.

komisin bilong ol yet. Sampela lokal politisen i tok ol pipel bilong ol bai no inap kisim wanpela helpim i kam long dispela nupela komisnin. Sampela i pret long wok

Bikpela samting tru em long mekim gut wok bilong givim stretpela tok save i go long ol pipel. Nau i no taim bilong ol politikal lida i kros na sutim tok i go i kam. Ol lida i mas wanbel long sindaun toktok na skelim gutpela sindaun bilong siti bilong ol long bihaintaim. Kisim tingting bilong ol pipel na ol bisnis insait long siti, toktok wantaim ol sios na ol save-manmeri long wanem kain gavman bai i gutpela long lukautim Lae siti.

Planti wari na paul toktok i wok long kamap nau. Wanpela lain i tok dispela Komisnin i no inap kamap bikos em i brukim lo. Sampela save-man bilong lo i tok nau i gat wanpela lo tasol i kamapim NCDC na i no givim spes long ol arapela provins long kamapim

bilong ol bai lus sapos nupela komisnin i kamap na kisim ples. Na ol manmeri nating i no bisi tumas, ol i wari long lo na oda na ol arapela hevi i barapaim sindaun bilong ol. Ol i tok laip long Lae tude i bagarap na ol i no wari long ol politisen i wok long pulim na taitim i stap.

Ol pipel i pret na paul sapos i no gat gutpela na stretpela tok save i kamap pastaim long wanpela senis i kamap. I no bin gat tok save bipo olsem gavman i laik kamapim wanpela siti komisnin long Lae we bai kisim ples bilong olupela Lae siti atoriti. I no bin gat wanpela kibung we ol polikal lida bilong Lae i bung na harim plen bilong gavman. Olgeta i kirap nogut long taim gavman i mekim senis long ol minista na makim memba bilong Lae long go pas long dispela nupela komisnin gavman i tingting long kirapim long Lae. Olsem na i gat bikpela pairap na bel kros i kamap namel long ol lida long provins na Ms Kouza.

Sapos nesenel gavman i tok tru long kamapim wanpela komisnin bilong lukautim Lae siti, orait i mas gat sapot i kamap ples bai ol pipel i lukim na autim tingting bilong ol tu. Politik em i wok bilong toktok tumas na planti taim i no gat eksen tru i kamap. Mobeta ol lida bilong dispela namba tu siti bilong Papua Niugini i sindaun wantaim na paitim toktok. I tru olsem olgeta samting i no redi yet, tasol ol i mas save olsem senis bai kam maski sapos ol i laikim o nogat.

Gavman i makim pinis Ms Kouza long go pas long mekim dispela wok. Orait ol arapela lida i mas soim daun pasin na kilim

Teroris kam pinis long PNG

YUMI save yesa long mani bilong ol lain long mekim wok bilong ol, maski em trupela na stretpela wok o nogat. Dispela pasin bilong pundaun long gris mani i mekim na planti ausait bisnis na trabel lain i kam insait pinis long Papua Niugini.

Dispela wik yumi kisim stori olsem sampela lain bilong Midel Is we ol save pait aninit long nem teroris i stap pinis long Papua Niugini na ranim sampela bisnis bilong ol. Ol dispela lain i gat nem pinis long gavman na polis bilong Australia na Ingran tu we ol wok long painim ol i stap.

Pasin bilong yumi long kisim grismani bilong ol ausait lain na helpim ol i kam insait long kantri na ranim bisnis nau i mekim yumi karim ol bikpela birua lain i kam pinis long kantri bilong yumi.

Ol teroris em yumi ritim na harim planti stori bilong ol pinis olsem em ol lain bilong



kilim ol manmeri nating. Ol i save mekim olsem long kantri bilong ol na tu egen-sim ol arepela kantri we ol i save kilim planti manmeri tumas.

Nau yumi gat hevi bikos ol teroris i kam pinis long PNG. Ol i kam olsem long Australia nau ol i gat bisnis insait long egrikalsa, timba somil na arapela we ol memba bilong yumi long palamen i harim na ol i no amamas tru long dispela.

Praim Minista Peter O'Neill i tok gavman i klia pinis long dispela samting na ol bai mekim olgeta wok long traim rausim dispela lain na bisnis bilong ol. Tasol ol bai mekim gut long bihainim gut pasin

na lo bai ol lain ya no ken gat sans long kotim PNG gavman long sait bilong bisnis ol i gat long en.

Dispela teroris lain i bin stap long Australia na bihain ol i kam olsem long PNG aninit long nem na bisnis bilong sampela family bilong ol long hia.

Tasol bikpela luksave nau em olsem sampela saveman bilong PNG long ol bikpela opis bilong gavman na politiks tu i save long dispela na ol i bin mekim olgeta samting i orait long ol teroris i kam insait long PNG.

Em i wankain stori olsem wanpela biknem Indonesia man i bin kam long PNG na Indonesia gavman wok long traim long holim na sasim em bikos long bikpela milien dola bilong kantri man ya i bin paulim.

I hat long holim em na sasim em bikos ol gavman opisa na ol lida bilong PNG i stap insait long dispela dil we man ya i kam isi tasol na sin-

daun gut na mekim bisnis. Indonesia i painim hat bikos man ya i stap insait long Lo bilong Papua Niugini olsem na em i samting bilong PNG long rausim ol pepa wok na rausim em i go.

Yumi ol PNG i save pundaun long grismani bilong ol lain olsem na yumi mekim olgeta pepa wok na opim rot na dua long ol i kam insait long kantri bilong yumi na mekim bisnis na stap hia.

Em i bikpela trabel tru tasol ol lain i kisim mani bilong ol na mekim pren wantaim ol i amamas long mekim dispela kain pasin.

Yumi harim stori bilong Osama bin Laden na ol arapela teroris we ol i bomim balus na ol bikpela opis long Amerika, Bali long Indonesia, Briten na arapela kantri na kilim planti tausen manmeri pinis. Ol lain ya ol i no save pret long dai. Ol i redi long dai taim ol i kisim laip bilong planti manmeri wantaim ol.



Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
Websait: www.wantokniuspepa.com
Pe bilong wanpela yia, 52 niuspepa

PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga
Editor
Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Ol mama insait long Ramu Projek ken senisim

laipstail bilong famili

James G. Kila i raitim

WANPELA naispela drama o pilai i bin kamap long las wik Fonde apinun long Mindre viles klostu long Basamuk long Raikos distrik, Madang provins.

Dispela drama i lukim sampela mama i soim ol pasin ol man bilong ol husat i save wok long risos projek i save kisim pe long potnait na go spak na no save tingim ol mama na pikinini long haus.

Drama i soim olsem ol papa husat i go wok long maining i save hait na paul na i gat sampela ol sait-kik o poromeri i stap long sait em ol i save ring long ol long mobail fon na grisim ol na givim mani long ol. Tarangu ol i save giamanim ol mama na pikinini long haus olsem ol i gat dinau na ol bekim na mani i pinis.

Dispela drama ol mama grup i soim em trupela stori we i save kamap long sampela ol wokman bilong maining long ol risos projek long PNG.

Gavman bilong PNG i luksave long ol dispela hevi, na nau i givim luksave long ol mama insait long ol maining projek eria long PNG.

Long Fonde apinun ol lain bilong Mineral Risoses Atoriti (MRA) wantaim ol lain konsalten bilong GRM Intenesenel, Komes na Indastri na RamuNico Jenda opis i bin stap long Mindre viles long sainim agrimen long redim rot bilong wanpela pigeri projek long helpim ol mama long ples.

Dispela projek i kamap aninit long Wimen in Maining Projek we MRA i menesim wantaim mani i kam long Nesenel Gavaman em Wol Benk i givim grent mani sapot.

Dispela kain helpim bai sapotim tru ol mama na senisim laipstail bilong ol meri long rurel viles komyniti long ples long go

insait long egri-bisnis projek.

Dispela pigeri projek bilong ol mama long Basamuk em i stap long gutpela eria tru bikos,

RamuNiCo Projek i gat bikpela rifaineri bilong em i stap klostu long hap. Moa long en tu, ol lain

bilong kukim kaikai long mes bilong ol wokmanmeri i save nidim abus olsem mit bilong pik.

Olsem na taim ol mama i lukautim pik, ol bai salim long mes long Basamuk we nau em NCS-Raibus i lukautim.

Narapela samting tu em ol pipia kaikai bilong mes bilong Basamuk em ol mama i ken kisim na givim ol pik long kaikai na mekim ol i gro bikpela hariap.

Ol mama grup long ol viles long Basamuk eria long Raikos distrik, Madang provins i mekim histori stret bikos long namba wan taim tru ol bai kisim wanpela bikpela projek long eria bilong ol wantaim helpim mani i kam long Wol Benk.

Planti ol mama bilong ol viles arere long Basamuk stat long Dein, Mindre, Jangank, Ganglau, Kulilau na Buf na ol arapela ples klostu i bin go bung long Mindre viles long lukim ol i sainim dispela agrimen long wok i kamap.

Dispela projek em histori o nupela samting stret long kamap long eria bilong ol long Basamuk long Wol Benk helpim mani i go long ol mama. Ol bikpela intenesenel ogenaiesen bipo i no save givim kain helpim olsem. Projek ya i kamap bikos long stap bilong RamuNiCo Projek long eria bilong ol.

Basamuk wimens asosiesen em wanpela long 4-pela mama grup insait long Ramu Projek eria husat bai kisim helpim i kam long Wol Benk aninit long program ol i kolim Wol Benk Maining Sekta Institusinel Strengtening Teknikal Asistens Projek 2.



GRM Intenesenel Konsalten, Ronel Fouri i tok klia long agrimen pepa.



Naispela kala tumbuna welkam long Mindre viles.

K1.8 milien long stretim ol polis stesin long NCD

Isaac Liri i raitim

GAVMAN bilong Australia i wok bung wantaim Polis Dipatmen bilong Papua Niugini, na gavman long stretim olgeta polis stesin long NCD.

Olgeta polis stesin stat long Konedobu i go long Bomana bai kisim ol nupela samting, na ol kontrakta bai stretim ol polis bilding we i bagarap.

Mani mak inap long K1.8 milien i stap long baset long stretim olgeta polis stesin long NCD.

Long dispela wik, Hai Komisina bilong Australia, Deborah Stokes i bin stap long lukim Minista bilong Polis, Robert Atiyafa na ol polis long Hohola Polis Stesin.

Hohola Polis Stesin em i wanpela polis stesen insait long NCD we i save givim sevis long ol pipol bilong Hohola, na tu, ol arapela hap bilong Pot Mosbi.

Dispela polis stesin nau i gat ol nupela kompyuta, ol nupela sia na tebol, nupela haus kuk, na ol arapela material.

Komanda bilong Australia Federel Polis (AFP) long Papua Niugini, Allan Scott, i tokim *Wantok Niuspepa* olsem helpim bilong



Hai Komisina bilong Australia na Polis Minista Robert Atiyafa i toktok *Poto Isaac Liri*.

Australia i go long ol polis stesin long NCD i kam aninit long AU-SAID program.

Em i tok ol polis manmeri bilong Australia husat i wok long Papua Niugini i amamas olsem ol

polis bilong Papua Niugini i kisim sapot.

"Mipela ol AFP na ol polis bilong PNG i save wok bung wantaim long kamapim gutpela na seif komyniti," Komanda Scott i

tok.

Long makim maus bilong gavman bilong Australia, Mis Stokes i tok dispela helpim bilong Australia long stretim ol polis stesin long NCD i soim olsem tupela

kantri i gat gutpela wok pren.

Em i bin raun tu long ol arapela hap insait long Papua Niugini long lukim ol arapela projek we Australia i sapotim na em i amamas long lukim olsem olgeta samting i ran gut.

Mis Stokes i bin tok amamas long olgeta polis manmeri bilong Papua Niugini na olgeta ogenaiesen we i go pas long stretim Hohola Polis Stesin na mekim i luk nupela.

Em i tok tenk yu tu long Polis Minista na gavman bilong Papua Niugini long givim sapot long ol projek we Australia i helpim long kamapim.

Polis Minista Atiyafa i tokim ol polis manmeri long lukautim gut ol fasiliti bikos ol dispela fasiliti bai lukautim ol.

Em i tok tenk yu long Australia long givim helpim long stretim ol polis stesin long NCD. Em i laik ol polis manmeri bilong Papua Niugini i wok bung wantaim ol polis bilong Australia.

"Australia em i namba wan poroman bilong PNG long sait bilong developmen, yumi mas wok bung wantaim ol," Minista Atiyafa i tok.



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing b'long bifo.
 6:30am - Nius Hetlains
 6:45am - Bonde grtins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori b'long putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona b'long yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains b'long Belo Taim - Laik b'long yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwes na dedikesen
 12:15pm - Komuniti Notis Bod
 12:20pm - BELO Pack - Belo taim rekwes na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwes na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - NIUS - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
- NAIT BEAT - Host: Vaviessie
 6:00pm - MAJOR NIUS BULLETIN - YUMIFM NIUS Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Viz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon NIUS - YUMIFM Nius Senta
 12 - 2pm - Sandei Belo Taim Music
 2:00pm NIUS - YUMIFM Nius Senta
 2pm - 6pm - Sandei Avinun Draiv Music
 6pm - Nius - YUMIFM Nius Senta
 6pm - 8pm - GOSPEL REKWES AJA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long W'ik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Liklik lain bikpela wok

Nicky Bernard i raitim

PLANTI lain save tok, em wok bilong sindaun, sanap na raun nating na pipia wok. Tasol dispela tingting bilong ol manmeri em giaman tingting na toktok.

Wok bilong ol dispela lain em bikpela tru tasol pe em liklik na laip bilong ol tu i save stap riski. Nau yu kliia long wanem lain yumi toktok long ol. Yes, ol sukyuriti lain husat save kilim skin long sun, rain, win, nait na de.

Sampela ol sukiriti kampani save gat planti ol wokman bilong ol na ol save lukautim planti ol wok ples, sampela sukiriti kampani gat liklik namba bilong wokman em ol lain save lukautim liklik hap wok ples tasol.

Wanpela Sukyuriti kampani husat i statim wok bilong em long Lae i kamap wanpela yia nau, tasol dispela sekyuriti kampani i gat planti han bilong em long ol narapela hap long kantri.

Dispela liklik grup i bin mekim bikpela wok tru long taim bilong Gren Fainal bilong Digicel Kap Ragbi long Lae. Ol bin lukautim ol VIP lain long go sindaun gut na lukim ragbi pilai.

Planti lain bin tingting olsem dispela pilai bai bagarap long wanem sekyuriti long hap i no strong tumas, tasol dispela ol lain ya bin sanap strong na



Liklik wok man tasol bikpela wok ol mekim long lukautim ol VIP.

sekim gut ol manmeri husat i laik go sindaun long hap bilong ol VIP.

Ol narapela sekyuriti kampani tu bin go stap long wan wan we kampani bilong winim kontrak long sanap i bin mekim bikpela wok tu long lukautim ol manmeri na nogat wanpela spak man bin

go insait long pilai graun na no gat bikhet man mekim trabel insait long pilai graun.

Maski ol liklik lain tasol long wan wan kona tasol ol bin mekim bikpela wok tru long lukautim ol manmeri na pikinini na ol bin amamas long lukim gut tru pilai inap long pinis bilong em.

Trutru ol dispela lain save mekim bikpela wok tasol yumi save ting em liklik wok na no gat mani bilong em tasol taim yu stap insait long banis na i gat sekyuriti bai yu pilim olsem i gat man i stap long was na lukautim banis na bai yu slip gut, kaikai gut na raun gut.

EMTV Television Guide

FONDE SEPTEMBER 4, 2014

4:30 AM G **AUSTRALIAN NETWORK**
 5:00 AM G **JOYCE MEYER 1094-4**
 5:30 AM G **EMTV NEWS REPLAY**
 6:30 AM G **TODAY**
 09:00 am G **CLASSROOM BROADCASTS**
 3:30 PM G **KIDS KONA**
 HI 5 S12 EP#12/39
 NEW MACDONALD'S EP#25/52
 PYRAMID S3 EP#52/68
 SHAK S5 EP#8/33
 5:30 PM G **PACIFIC WAY EP#11**
 6:00 PM G **EMTV NATIONAL NEWS**
 7:00 PM G **RAIT MUSIK EP#227**
 8:00 PM G **2014 NRL - ROUND 26**
 ROOSTERS vs. RABBITOHS "LIVE"
 10:00 PM G **RESOURCE PNG Ep#32**

10:30 PM G **SOKA XTRA EP#27**
 10:40 PM G **HOT SPOT Ep#30**
 11:00 PM PG **NRL FOOTY SHOW Ep#27**
 12:30 AM G **NEWS REPLAY**
followed by the Australia Network

FRAIDE SEPTEMBER 5, 2014

4:00 AM G **AUSTRALIAN NETWORK**
 5:00 AM G **JOYCE MEYER 1094-5**
 5:30 AM G **EMTV NEWS REPLAY**
 6:30 AM G **TODAY**
 09:00 am G **CLASSROOM BROADCASTS**
 3:30PM G **KIDS KONA**
 HI 5 S12 EP#13/39
 NEW MACDONALD'S EP#26/52
 PYRAMID S3 EP#53/68

SARARE SEPTEMBER 6, 2014

SHAK S5 EP#9/33
 5:30 PM G **SKIPPY - POACHERS**
 5:55 PM G **CRIME STOPPERS**
 6:00 PM G **EMTV NATIONAL NEWS**
 7:00 PM G **IN MORESBY TONIGHT -**
 7:30 PM G **2014 NRL - ROUND 26**
 STORM vs. BRONCOS "LIVE"
 9:30 PM MA **FRIDAY NIGHT MOVIE**
 11:30 PM G **EMTV NEWS REPLAY**
followed by the Australia Network

9:00 AM G **DANI'S HOUSE S1 EP#10/12**
 9:30 AM G **ULTIMATE GUINNESS WORLD RECORDS - EP#26/52**
 10:00 AM G **PACIFIC WAY EP#11 - Rpt.**
 10:30 AM G **SKIPPY- POACHERS Rpt.**
 11:00 AM G **AUSTRALIAN NETWORK**
 3:00 PM G **2014 NRL - ROUND 26**
 WEST TIGERS vs. SHARKS "LIVE"
 5:00 PM G **TBA**
 5:30 PM G **OLSEM WANEM EP#34**
 6:00 PM G **EMTV NATIONAL NEWS**
 6:30 PM G **2014 NRL - ROUND 26**
 RAIDERS vs. EELS
 8:30 PM G **2014 NRL - ROUND 26**
 COWBOYS vs. SEA EAGLES
 10:30 PM G **EMTV NEWS REPLAY**
followed by the Australia Network

SANDE SEPTEMBER 7, 2014

3:30 AM G **AUSTRALIAN NETWORK**
 6:30 AM G **EMTV NEWS REPLAY**
 7:00 AM G **HILLSONG**
 7:30 AM G **AUSTRALIAN NETWORK**
 8:30 AM G **BUSINESS PNG YR.3 EP#25 rpt.**
 9:00 AM G **TOTALLY SPIES EP#25 - RE-RUN**
 9:30 AM G **OLSEM WANEM EP#34- RPT**
 10:00 AM G **RESOURCE PNG EP#31 - Rpt**
 10:30 AM G **TBA**
 11:00 AM G **COOKING ISN'T ROCKET SCI ENCE**
 12:00 PM G **AUSTRALIAN NETWORK**
 2:00 PM G **2014 NRL - ROUND 26**

TORO



BIABIA




KANAGE



KROSWOD

- Akros**
- 1 Nupela provins
 - 4 _____ yu kam gud ya!
 - 8 Givim glori i go long God
 - 10 Painim long Lihir
 - 11 No
 - 13 I no hatwok
 - 14 Marasin frut
 - 16 Minista bilong ekstenal Teritori long taim Australia lukautim PNG
 - 18 Ailan long Manus
 - 20 Politikal Pati
 - 21 Kain kain pilai
 - 24 Nem bilong meri
 - 26 Kamap bikpela
 - 28 Mak bilong luksave
- 29 Strongpela samting**
- 30 Wantok bilong karakum**
- Daun**
- 2 Namba bilong PNG
 - 3 Painapol
 - 5 Gavana bilong Saten Hailans
 - 6 I save kamap long ain na kapa
 - 7 Ailan long Sandaun
 - 12 Pawa lait long taim swis i stap olsem
 - 15 Gaden kaikai
 - 17 Soim amamas
 - 19 Siti long Hailans
 - 21 I lait long skai
- 22 Namba seven mun**
- 23 Namba**
- 25 Ol soldia**
- 27 Wankain olsem 8**



Ansa bilong las wik krowod, isu # 2085

SUDOKU

8	6	4	3	5	1	7	9	2
9	2	3	4	7	8	5	6	1
7	1	5	9	2	6	3	8	4
5	7	9	8	6	2	4	1	3
4	3	6	5	1	9	2	7	8
2	8	1	7	4	3	9	5	6
1	9	2	6	3	7	8	4	5
6	4	7	2	8	5	1	3	9
3	5	8	1	9	4	6	2	7

Ansa bilong las wik Sudoku # 59

	9	5	8			2		4
3					2		5	
4			5	9		6	7	
	2	4	3					
	6		7			5		
					9	1	6	
	1	7		8	4			5
	5		9					6
2		9				5	8	1

Ansa bilong Sudoku # 60 neks isu

H	E	L	A		B	A	R	A	
		O	N	A			G	O	L
N	O	G	A	T			I	S	I
		N	O	N	I			R	
B		H	A	S	L		U	C	K
A	H	U	S		A				
N	A			S	P	O	T		
A	G	A	T	A			G	R	O
N	E	M		N			A	I	N
A	N	I	S				S		A

Ansa bilong las wik krowod, isu # 2085

EMTV Television Guide

Time	Channel	Program	Time	Channel	Program	Time	Channel	Program	
4:00 PM G	2014 NRL - ROUND 26	TITANS vs. BULLDOGS	4:00 AM G	AUSTRALIA NETWORK	JOYCE MEYER - 1094-1	9:30 PM G	EMTV NEWS REPLAY	8:00 PM G	OUR PORT MORESBY EP#45
6:00 PM G	EMTV NATIONAL NEWS	6:30 PM G	VOCAL FUSION S1 - Ep#6	5:00 AM G	EMTV NEWS REPLAY	6:00 PM G	EMTV NEWS REPLAY	8:30 PM G	VOCAL FUSION SEASON 1 - CHOSEN 40 - REPEAT
7:30 PM G	TOK PIKSA - EP#2014/37	6:00 AM G	TODAY	6:30 AM G	TODAY	6:30 AM G	TODAY	9:30 PM G	TOK PIKSA EP# 37 REPEAT
8:00 PM G	60 MINUTES	6:30 AM G	CLASSROOM BROADCASTS	6:30 AM G	CLASSROOM BROADCASTS	6:30 AM G	CLASSROOM BROADCASTS	10:00 PM G	NEWS REPLAY
9:00 PM MAO	SUNDAY NIGHT MOVIE -	6:00 AM G	KIDS KONA	6:30 PM G	KIDS KONA	6:30 AM G	KIDS KONA		
10:30 PM G	HILLSONG Rpt.	6:30 AM G	HI 5 S12 EP#9/39	6:30 PM G	HI 5 S12 EP#10/39	6:30 AM G	HI 5 S12 EP#11/39		
11:00 PM G	EMTV NEWS REPLAY	6:30 AM G	NEW MACDONALD'S EP#22/52	6:30 PM G	NEW MACDONALD'S EP#23/52	6:30 AM G	NEW MACDONALD'S EP#24/52		
		6:30 AM G	PYRAMID S3 EP#49/68	6:30 PM G	PYRAMID S3 EP#50/68	6:30 AM G	PYRAMID S3 EP#51/68		
		6:30 AM G	SHAK S5 EP#5/33	6:30 PM G	SHAK S5 EP#6/33	6:30 AM G	SHAK S5 EP#7/33		
		6:30 AM G	SKILLICIOUS SEASON 2 -	6:30 PM G	DANI'S HOUSE - SEASON 1 -	6:30 AM G	ULTIMATE GUINNESS WORLD		
		6:30 AM G	CRIME STOPPERS	6:30 PM G	EMTV NATIONAL NEWS	6:30 AM G	EMTV NATIONAL NEWS		
		6:30 AM G	EMTV NATIONAL NEWS	6:30 PM G	HAUS & HOME Ep#29	6:30 AM G	EMTV NATIONAL NEWS		
		6:30 AM G	2014 NRL ROUND 25	6:30 PM G	BUSINESS PNG YR.3 -	6:30 AM G	EMTV NATIONAL NEWS		
		6:30 AM G	COWBOYS vs. SHARKS	6:30 PM G	MERLIN SEASON 4 - EP#3/13 -	6:30 AM G	EMTV NATIONAL NEWS		
		6:30 AM G	COCA-COLA SPORTS SCENE EP			6:30 AM G	EMTV NATIONAL NEWS		
		6:30 AM G	EMTV NEWS REPLAY			6:30 AM G	EMTV NATIONAL NEWS		

Ol Program na Kilok i ken tenis oltaim...

Raun wantaim Kanage olgeta wik

Long las wik, Gavana Jenerel Sir Michael Ogio na ol opis woklain bilong em i bin kisim sampela taim of o lusim wok na klinim opis, insait na ausait eria bilong redi long opim nupela Gavman Haus edministretiv bilding long dispela mun. Gren Sif Sir Michael i bin putim tisiot, sotpela trausis na bras na pen long penim stonwol i raunim hap eria bilong Gavman Haus opis. Lukim moa poto long ol wok ol opis lain i mekim.



WOKBUNG: Ol wok manmeri wantaim i bung wantaim na mekim wok long klinim na penim stonwol olsem dispela piksa i soim.



PAPA PIKININI I WOK: Liklik Keishar i gat 5-pela krismas i helpim papa bilong em, Maguli Bernard long penim stonwol.



WASIM GUT: Narapela tupela wokman i wasim stonwol pastaim ol i penim. *Ol Poto: Gavana Jenerel Midia*



Marit i bagarap bikos mi no gat pikinini olsem na mi laikim helpim...



Dia Laiplain,

MI na man bilong mi i marit long sampela yia nau na mipela i no gat gutpela sans long karim pikinini. Mitupela i amamas long marit bilong mitupela, na man bilong mi i gat gutpela wok. Em save givim mi mani olgeta potnait. Tasol em i stop long givim mi mani na mi save long as bilong dispela. Em bikos mi no inap karim pikinini. Mi tupela i sindaun na toktok wantaim long dispela na go lukim dokta husat i mekim ol tes long helt bilong mipela, tasol em i tok nogat wanpela samting i rong. Dispela i kamap sampela yia i go pinis na mi stap yet wantaim nogat pikinini. Mi wari tru long pasin man bilong mi i mekim long mi na mi laik lusim em na maritim narapela man. Mi paul na mi no save long wanem samting stret long mekim. Inap Laiplain i helpim mi long painim wanpela bekim long mekim man bilong mi laikim mi, maski mi no inap karim pikinini? Nogat pikinini.

Dia Pren,

Tenkyu long autim wari bilong yu, long inap karim pikinini, wantaim Laiplain Hevi bilong yu i wankain long planti arapela hevi bilong ol marit lain bilong tude. Sampela lain i save marit na i laik gat famili long rait wei. Ol narapela i laik wetim sampela yia bipo ol i kamapim famili o lukautim pikinini bilong narapela. I gat planti as long watpo yu na man bilong yu i nogat gutpela sans long karim pikinini. No gut yu tupela i no slip wantaim long rait taim we bodi bilong yu inap long mekim kiau. Mipela i laik save wanem kain tes yu na man bilong yu i kisim taim yupela i go lukim dokta. Mipela laik strongim yu tupela long go lukim famili plening klinik klostu long yupela. Ol nes na dokta husat i gat gutpela trening bai mekim gutpela tes na i ken helpim yupela moa. Mipela i laik tokim yupela long narapela tingting we yupela i ken traim. Inap yu tok aut long pilings bilong yu wantaim man bilong yu na mekim em i save gut olsem yu laik karim bebi. Tasol sapos dispela i no inap, yupela i ken traim ol narapela

rot long kisim pikinini. Kain olsem lukautim pikinini bilong wanpela famili memba o lukautim pikinini bilong narapela lain. Yu ken amamasim marit laip maski yu gat pikinini o nogat. Marit laip i mas gat bikpela laik, tras, rispek na gutpela tingting long wanpela narapela. Wanpela gutpela wei long kisim strong em long lukim pasto bilong yu tupela. Mipela i strongim yu tupela long toktok wantaim wanpela famili kaunselor o wanpela marit lain husat i marit longpela taim liklik- lain we yu tupela i trastim ol na i ken helpim yutupela long abrusim moa wari. **Pren bilong yu Laiplain,** Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu. **Laiplain**

Nupela wof bilong PNG Ports long Motukea

Yakam Kelo i raitim

PNG Ports Kopresen long Mosbi bai kisim nupela wof (bris)long Motukea na lusim Konedobu wof long givim spes bilong bikpela rot projek na arapela developmen we bai kamap long dispela yia.

Long las wik Minista bilong Independen Pablik Bisnis Kopresen (IPBC) Ben Micah i tokaut long dispela bikpela senis long mekim spes long ol arapela bikpela developmen we bai kamap long siti.

Mista Micah i tok olpela wof long Konedobu bai stap long givim spes long ol bikpela rot projek we bai raunim long Ela Bis na kam olsem long traunim hevi bilong bikpela rot blok insait long siti we ol kar i pulap na pulim lain olgeta de.

Hevi bilong rot insait long Mosbi siti em i bikpela samting bikos spes bilong rot i no inap long holim olgeta kar tude long ron gut go kam.

Dispela rot tu bai opim spes bilong ol kar i ken ron isi go kam long bikpela spot pilai bilong Pasifik Gems long neks yia 2015 na bikpela APEC miting long 2018 we bai kamap long Mosbi.

Mista Micah i tok Pasifik Gems na APEC bung em ol bikpela samting na Mosbi siti mas stap kliia na isi long ol lain i kam i ken ron isi go kam na tu soim gutpela piksa bilong Mosbi siti na Papua Niugini.

Long las wik Fraide, PNG Ports wantaim Curtain Bros i bin sainim wanpela agrimen o wanbel pepa long opim dua bilong dispela senis bilong wof long go het.

PNG Ports bai muv i go long Motukea em nupela wof Curtain Bros kampani i wokim long holim na lukautim olgeta bikpela kago sip i kam long ovasis na lusim PNG go aut.

Minista Micah wantaim menesmen bilong IPBC na Curtain Bros i sainim dispela

agrimen pepa we Minista Micah i sainim long makim luksave na wanbel bilong Gavman bilong PNG.

Mista Micah i tok Gavman i no inap westim bikpela bilion kina long wokim nupela wof gen long lukautim ol wok bilong PNG Ports, nogat.

Curtain Bros i sanapim wof pinis na PNG Ports i ken go het na yusim aninit long ol bisnis agrimen ol bai kamapim.

Em i mekim bikpela tok amamas tu i go long Curtain Bros olsem em wanpela kampani we i kam bipo long Papua Niugini long 1960 na stap yet inap nau. Ol kam olsem wokman na sevim PNG na go insait long bisnis olsem Brian Bell, Pelgen, Hebou na arapela husat i tru tru kam na mekim bikpela senis long PNG long sait bilong bisnis.

Motukea wof bai kam aninit long han na lukaut bilong PNG Ports we ol bai kamap papa long en. Dispela bai

kamap taim olgeta pepa wok na agrimen i pinis long sampela taim bihain.

Gavana bilong NCD Powes Parkop i tok amamas tu i go long gavman long kamap wantaim dispela bikpela senis bikos Konedobu bai opim spes long rot na ol arapela gutpela developmen bilong siti long kamap.

Sampela gutpela senis em olsem long mekim ples i kamap bilong pilai na kisim win we ol pipel bilong Mosbi siti ken yusim na amamas long spes we i kamap.

Narapela bikpela senis tu em bai spes i kamap na opim rot bai ol kar i ken ron gut i go kam na daunim dispela hevi tude we ol i save pas pas olgeta de bikos nogat inap spes long rot, Mista Parkop i tok.

Memba bilong Mosbi Saut Justin Tkatchenko tu i mekim bikpela tok amamas na welkam long dispela bikpela senis kamap long ilektoret bilong em.

Chan i tok lukaut long ol papagraun bilong welpam projek

MINISTA bilong Maining na memba bilong Namatanai Byron Chan i givim tok lukaut long ol papagraun long Namatanai olsem welpam projek we i laik kamap long ples Lak na Kandas em i no bihainim gut lo.

Minista Chan i givim tok lukaut long ol papagraun i no ken painim patna long developim tupela eria long kamapim welpam bisnis. Em i tok ol papagraun na divelopa i no kisim tok orait bilong distrik edministresen o provinsal gavman long dispela bisnis.

Minista Chan i mekim dispela toktok bihain long nius ripot i kamap olsem wanpela papagraun kampani, Konoagial Egrikalsa Developmen Limited i developim 35,000 hekta graun long plantim welpam plantesis long mani mak bilong K400 milien long 10-pela yia.

Minista Chan i tok ol klen na komyuniti lida i mas lukluk gut long ol kain bikpela bisnis bilong egrikalsa developmen bikos em i tok provinsal gavman i no save long dispela divelopa i laik kam

insait na kamap patna long bisnis insait long provins.

Minista Chan i tok developmen em i gutpela long distrik, provins na kantri tasol ol divelopa husat i laik kamap na wok bisnis i mas bihainim gut lo na rot bilong wok bisnis long kantri. Em i tok gavman i gat plan long developim egrikalsa indastri long kantri na sapos divelopa i no bihainim lo, em bai no gat ples long kam insait.

Minista Chan i tok ol papagraun i no ken kirap nogut long ol gris toktok bilong ol divelopa na sainim ol dil. Em i tok sapos ol papagraun na divelopa i no bihainim lo bilong kantri, bai lo i mekim save long ol.

Em i tok husat papagraun o kampani i makim papagraun i mas bihainim stret lo, na kisim tokorait bilong LLG na distrik na provins.

Mista Chan i singaut long ol lain i go pas na ol dairekta bilong Konoagil long tok kliia long K430 milien invesmen bilong dispela projek bikos planti bisnis i no gat dispela kain mani.

AFP helpim Lae polis

LAE polis i kisim tupela nupela poto kopi masin long han bilong ol wanwok Australia long dispela wik.

Dispela liklik bung i bin kamap long Lae polis stesin long Mande i soim Australia Polis (Australia Federal Police), husait i wok aninit long wanpela helpim program ol i kolim long Papua Niugini – Australia polis patnasip program (PNG-APP).

Tim lida bilong ol Inspekta Peter Murphy i tok i gat sampela ol eria we i nidim

helpim bilong ol na dispela masin em long helpim ol polis long stretim ol kot pepa bilong ol polis.

“Wanpela masin bai i go long opis bilong prosekuta na narapela bai i go long opis bilong CID. Dispela em long helpim tupela seksen long mekim work bilong ol

Olsem stretim ol pepa bilong kot,” Murphy i tok.

Tupela masin i kos olsem K33, 000 na Remington Teknoloji i kisim i kam. Bos bilong Lae polis, Sif Superintenden Iven Lakatani i tok amamas

long ol wanwok bilong ol long dispela tupela masin long wanem, tupela masin bai helpim ol long mekim

planti samting.

Em i tok long kamapim wanpela kot fail, em i hatpela wok long stretim ol kot pepa. Tasol gutpela long ol wanwok bilong ol i luksave long dispela na givim helpim i go.

“Ol masin bilong wok i stap pinis olsem na ol polisman na meri bai i no inap komplem olsem masin i no stap. Em stap pinis long ples bilong wok na ol mas yusim gut. Mi no laik harim moa komplem olsem i no gat samting bilong wok,” em i tok.

“Wan kain taim tu, mi tok tenkyu long ol wanwok bilong mipela bilong Australia long helpim mipela.”

Mista Murphy i tok AFP i wok hait tasol ol kain wok olsem bai bringim ol i kamaut na olgeta manmeri i ken lukim.

Em i tok long Lae, i gat 6-pela opisa nau i stap na wok wantaim Lae polis. Ol i helpim ol long fran lain kaunta, lukautim polis sel, wokim patrol na ol narapela wok insait long stesin.

Murphy i tok dispela program bilong ol long kam wok long Papua Niugini i bin stat long 2008 tasol, wok tru i bin stat long 2013.

PMBL i opim alet benking sevis

Stanley Nondol iraitim

PIPOL'S Maikro Bank Limited (PMBL), han bilong Nesenel Developmen Benk (NDB) i opim Alet Benking Sevis olsem namba wan prodak bilong ilektronik benking.

Ol i tokaut long dispela nupela prodak long taim bilong opim Ppondeta brens bilong Benk, na i op nau long ol kastoma bilong PMBL Limited.

Alet Benking em i SMS benking sevis, wanpela rot benk i kamapim long mekim isi long ol kastoma long kisim ol tok save bilong benk long SMS alet long Mobail fon. Disepela bai helpim ol kastoma long ol i no ken go olgeta taim

long benk na sanap long lain. Em bai sevim taim na mani.

Long wanem rot, Alet Benking i no wankain long ol SMS benking? Em i wankain olsem SMS benk long sekim balens, neks det bilong baim lon, na mini stetmen.

Alet Benking i karamapim ol dispela sevis tasol i go moa yet liklik long givim ol sampela sevis olsem

1.Kredit Alet-Taim mani go insait long akaun bilong yu.

2.Debet Alet-Taim yu rausim mani long akaun bilong yu.

3.Bai givim tok save sapos yu abrusim de bilong bekim dinau.

4.Bai tok save long yu

long bekim dinau.

5.Bai tok save taim yu opim nupela seving akaun.

6. Bai tok save long balens bilong dinau.

7. Helpim ol SMS.

Dispela em ol sevis bilong PMBL tasol. Kastoma husat i gat seving o lon akaun na sapos yu laik rejista, eplikesen i stap long ol brens bilong PBML.

PBML em wanpela benk we gavman bilong O'Neill i go pas long putim brens long olgeta hap long kantri insait long tupela yia.

I gat 4-pela brens pinis na namba bilong ol kastoma i wok long go antap long olgeta wik.

Minista bilong Tred Komes na Indastri, Richard Maru i tokaut olsem as

tingting bilong kirapim dispela PMBL em long kamapim gen benk bilong ol pipel bilong Papua Niugini. Em i tok ol komeselk benk i mekim hatwok tru long ol liklik manmeri bilong kantri long opim akaun na sevim mani, na yusim ol sevis bilong benk.

Gavman i putim narapela K6milien long las mun long NDB long kwiktaim kirapim brens long Kundiawa na Mendi.

Mista Maru i singaut long olgeta pipel bilong kantri long opim akaun wantaim PMBL bikos em benk bilong ol pipel yet. Na em i isi tru long opim akaun wantaim K10. No gat ol arapela fi olsem ol komesel benk i sasim.



Lakatani i sekan wantaim Murphy (r) na tok tenkyu long givim dispela tupela poto kopi masin. Tupela wanwok bilong ol i sanap long witnessim. Poto: Bustin Anzu



Ramu NiCo na wok divolopmen long kantri

TAIM bipo we nogat Ramu NiCo Projek insait long Usino-Bundi na Raikos insait long Madang, planti luksave long gavaman i no bin kam gut.

Taim Ramu NiCo i bin kam kamap, planti bikpela senis i bin kamap insait long wok konstrakten taim bilong Ramu NiCo projek na ino liklik taim bai lukim bikpela senis i kamap taim Projek i kisim 100% prodaksen wok.

Yu bai lukim olsem planti hap bilong kantri em gavaman i no kisim ol bikpela sevis i go tasol Ramu NiCo na gavaman i kisim planti sevis long Usino-Bundi na Raikos long 2006 i kam inap tete. Dispela em bikos long Ramu NiCo Projek.

Sampela bilong ol dispela bikpela projek o infrastraksa em Usino Janksen rot i go Banu na KBK Main.

Long hap tu i lukim ol strongpela bris olsem Ramu Bris. Bipo ol asples lain i save wokabout na katim bus na wara tasol tete ol i kisim PMV na ron antap long kolta.

Dispela rot na bris em Ramu NiCo i wokim we tete i givim bikpela benefit long ol asples lain.

Narapela bikpela projek em ol haus bilong polis long Walium stesin na Usino stesin we MRA i kamapim ananit long luksave bilong Ramu NiCo Projek MOA.

Sapos nogat Ramu NiCo bai nogat ol dispela haus i kamap areap.

Narapela projek em bikpela hausik long Ganglau insait long Basamuk, Raikos we MRA i kamapim nau. Ol mama, pikinini, lapun save dai long ol liklik sik we marasin i ken winim tasol dispela hausik i pinis bai ol lain long Raikos bai kisim bikpela helivim.

Gavaman ananit long MRA i kamapim dispela hausik bihain long luksave bilong Ramu NiCo Projek MOA.

Narapela em stretim ol klasrum na mes bilong Raikos Ai Skul. MRA i fundim ananit long luksave bilong Ramu Projek MOA. Tete, skul em nais stret. Ramu NiCo i bin donetim wanpela trakta na 100-pela bet bilong ol sumatin. Dispela bai helivim ol sumatin na skul na kamapim bikpela save man na meri bilong kantri.

Olgeta mama asosiesin insait long Ramu NiCo Projek bai kisim wanpela bikpela helivim klostu ananit long Wol Benk long kirapim sindaun bilong ol long ol main projek eria.

Ramu NiCo i helivim ol long raitim proposel na olgeta 4-pela asosiesin mama bai kisim helivim klostu. Ol bai kamapim pik projek, wok PMV na dinki wantaim ol narapela bisnis. Dispela luksave i kamap bikos long stap bilong Ramu NiCo.

Ramu NiCo i wok klostu wantaim ol gavaman lain go pas long wok kakao long kirapim ol CPB kakao long Raikos na narapela projek eria. Wok agrikalsa i go yet na kamap strong na bai benefitim ol gut. Ramu NiCo bai go bihain long 20-pela krismas tasol wok agrikalsa bai stap yet.

Ramu NiCo i save givim planti wok kontrak igo long ol papagraun kampani olsem Wass Matau, KBK, Maigari, Basamuk Entaprais na ol narapela. Dispela i kirapim bisnis wok i go bikpela na tu u kirapim emploimen wok bilong ol yangpela. Raibus Sikiriti, NCS- Raibus, Raibus Engineering na ol LOA kampani em ol i gat sans long wok i go bikpela wantaim gutpela menesmen. Ramu NiCo i statim ol na kirapim ol wantaim gutpela tingting long kirapim gutpela sindaun bilong ol papagraun. Ramu NiCo i save givim planti helivim i go long ol asples lain olsem baim marasin bilong ol hausik long impekt eria, bain skul fi bilong ol pikinini bilong papagraun, helivim ol sik lain, helivim ol mama i laik karim pikinini, givim helivim long ol skul na kirapim skul wantaim hausik, i save givim helivim i go long Modilon Hausik na plani helivim tu.

Long las 12-pela mun, Ramu NiCo i bin spendim moa long K125 million i go insait long Madang na kantri long baim ol guds na sevis. Ol planti bisnis haus, gavaman dipatmen na ol asples lain i benefit long dispela.

Planti wok em Ramu NiCo i bin kamapim bilong ol papagraun husait i no gat sans long painim wok long narapela hap long Madang na kantri. Moa wok em kampani i gat tingting long kamapim.

Planti ol dispela helivim em i stap ananit long luksave bilong Projek MOA tasol planti em nogat stret. Taim kampani i kamapim ol dispela bikpela wok projek na helivim, ol lida man na memba bilong palimen tu i mas kam na wok bung wantaim kampani long kamapim ol bikpela projek insait long Usino-Bundi na Raikos.

Wok patnasip ananit long luksave bilong Publik-Praivet-Patnasip em gutpela long kamapim ol bikpela wok senis i kam insait long Raikos na Usino-Bundi. Tingim! Ol wanwan memba i save kisim K10million long wanwan yia.

Nau gavaman i laik apim i go antap long K15 million. Sapos memba bilong Raikos na Usino-Bundi i kam sindaun wantaim Ramu NiCo na kisim Madang provincial gavaman i kam insait long wok bung wantaim ananit long luksave bilong Ramu NiCo Projek MOA, Madang province Kalibobo Visin, Nesinol Gavaman Visin 2050 na visin bilong Usino-Bundi na Raikos Elektoret bai i gat bikpela divolopmen.

Yumi mas gat save long wok wantaim ol bikpela investa olsem Ramu NiCo tete long bungim olgeta risos wantaim save na kamapim bikpela impekt long laip bilong ol man.

Ramu NiCo i helivim ol pipol long wok agrikalsa.



Ganglau Hausik taim pinis bai helivim ol pipol bilong Raikos.



Ol mamagraun i sainim pepa we bikpela helivim bai kam long Wol Benk.



salens bilong graun na masin bilong mekim wok.

Ol dispela namba i soim kliia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komuniti'

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstrakten long namba tu hap bilong 2008. I kam inap nau, olgeta bikpela konstrakten wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

Agmark Kakao na PNG Kakao Bod redi long sapotim BCCGS

James G. Kila i raitim

WANPELA nupela kakao fama kopretiv sosaiti long Raikos distrik long Madang provins em Basamuk Kakao Koporetiv Sosait Grupi(BCCSG) i kisim luksave nau long bikpela kakao baiya long kantri, Agmark Kakao wantaim PNG Kakao Bod PNGCB).

Dispela i bin kamap bihain long tupela opisa bilong PNGCB na Agmark Kakao i bin mekim lukluk raun long liklik opis na eria bilong dispela kakao kopretiv long baim kakao na redim long salim.

Long las wik Fonde, Agmark Kakao Menesa long Madang, Elias Tiamon wantaim PNGCB Inspekta long Madang, Richard Kawa i bin go long Basamuk long sekim nupela opis spes bilong BCCS.

Ol i bin go bung wantaim interim siaman bilong BCCS, Tony Gaiyu, husat i soim ol raun long Basamuk

eria na tu, ol i mekim inspeksen long opis na ples we BCCS bai kamap long en.

Wokabaut bilong PNG Kakao Bod opisa i go long Basamuk em long sekim ol wok kamap long hap na redim ol pepa wok bilong BCCSG long kisim laisens long baim ol drai kakao bin long ol fama long Basamuk eria.

Ol eria we wokbilong BCCSG i karamapim i stap long Gawar wara i go inap long Dein viles klostu long Yanganon riva.

Mista Tiamon bilong Agmark i tok olsem dispela join inspeksen bilong Agmark wantaim PNGCB i givim ol sampela luksavem long helpim BCCSG long kisim ol fam saplais long kredit na salim long Basamuk eria. Dispela bai mekim isi long ol fama long baim ol tul na ol didiman saplai klostu long ol, na ol no ken westim taim long ron long dingi i go kam long Madang taun.

Mista Tiamon i tok em bai givim ripot long Agmark Menesa long Madang long lukluk long helpim ol fama insait long BCCSG.

Mista Tony i tok amamas long Ramu NiCo Komyuniti Afes Dipatmen long Basamuk long bikpela sapot ol i givm long promotim kakao prodaksen insait long ol viles arere long Basamuk Rifaineri.

Tony i tok nau yet BCCGS i wok wantaim ol lain fama long Basamuk husat i gat kakao fementri, tasol ol arapela fama i ken joinim taim ol i peim K120 membasip fi bilong ol.

Em i tok olsem sampela gutpela wok i kamap pinis insait long wok bilong BCCSG we i lukim ol i kamapim opis na didiman stua bilong ol long Basamuk arere long Ramu NiCo Rifaineri long olpela kem.

Sapos ol fama i laik kisim moa toksave long rot long joinim BCCSG i ken go lukim Tony.

Simen rot bilong Basamuk Rifaineri em strong moa yet

James G. Kila i raitim

PLANTI ol kolta rot long ol bikpela taun na siti long PNG i wok long bruk na planti pot-hol o baret i kamap bikos ol lain i wokim dispela ol rot i no yusim stret ol samting bilong strongim faundesin bilong rot long stap longpela taim.

Taim ol rot i save go bagarap Gavman i save lusim bikpela milien Kina mani tru long stretim.

Long Lae siti, Morobe provins ol rot long pastaim i bruk bruk na planti baret i kamap na ol i save kolim Lae olsem 'Pot Hol Siti'. Tasol tude sampela wok i kamap long putim simen long rot long mekim rot i stap strong longpela taim.

Long Basamuk Rifaineri bilong nikel/kobalt divelopa, Ramu NiCo Menesmen (MCC) i gat rot i stap we ol i wokim long strongpela kain

simen we i stap

Planti ol lain bilong gavman na ol bisnis lain i bin go long Basamuk Rifaineri na i mangal tru long simen rot long hap we i go insait long rifaineri eria na go outsait.

Ol enjinia bilong China, ENFI i miksim karanas laimston wantaim simen na ol arapela strongpela marasin na tru tumas dispela simen rot long Basamuk em strongpela stret na i ken stap longpela taim tru.

Nau yet ol bikpela maining trak ol i kolim Terex i save karim bikpela ol tan lod laimston wantaim long laimston main o kwari na karim i go long laim plen yusim dispela rot. Ol i save ron i go kam antap long dispela simen rot tasol nogat mak mak o bruk i kamap long dispela rot. Em i stap strong tru.

Ramu NiCo Komyuniti Afes Suprintendent long

Basamuk, Jacky Wang i tok ol enjinia i yusim sampela lain strongpela kemikol long miksim wantaim simen na dispela bai mekim simen rot long Basamuk Rifaineri i stap longpela taim tru na nogat bruk bruk o pot-hol i kamap long en.

Mista Wang i tok dispela simen rot ol i kapsaitim na miksim na wokim rot i tik olsem 40-sentimita na em i strong tru na no inap bruk.

Nau yet greida wantaim sein i ken ron antap long rot ya, tasol nogat mak mak bai kamap o sein blong buldoza i no inap long brukim simen ya. Em i strong tru.

Planti gavman lain husat i go long Basamuk pastaim i tok moabeta ol lokal rot kontraka long Lae i mas go na lukim rot long Basamuk Rifaineri na kisim sampela kain aidia o save long go na wokim ol strongpela simen rot.



PNG Kakao Bod Inspekta, Richard Kawa (lephan) wantaim Tony Gaiyu na Agmark Madang Kakao Menesa, Elias Tiamon, long sip bris long Basamuk bihain long inspeksen **Poto: James G. Kila**

Wok bung wantaim long kamapim gut kaukau prodaksen

SWIT poteto o kaukau em wanpela long ol bun gaden kaikai long planti pipel long PNG long Hailans, bikples, nambis na ailan rijon.

Wantaim klaimet senis, ol kain sik i wok long kamap long ol gaden kaikai na daunim gutpela kamap long sit, prut na kaikai bilong ol.

Moa yet, ol binatang i wok long bagarapim ol gaden kaikai na pipel i ken bungim bikpela hevi long fid sekyuriti.

Swit poteto i bun kaikai long Hailans rijon na long dispela yia, ol saientis na savelain long egrikalsa bi-

long PNG na Australia i bin karimaut wanpela sevei o wok painim long as bilong swit poteto prodaksen i go daun na ol sik we i bungim swit poteto long Hailans rijon, na ol samting ol i ken wokim long daunim ol hevi bilong swit poteto i no karim gut.

Ol i luksave pinis olsem graun i no moa gat gutpela gris long swit poteto i ken karim gut na tu, ol binatang na sik i bagarapim swit poteto na i no karim gut em as bilong hevi.

Long dispela nau, wok risets i bikpela samting.

Australia Centre for International Agricultural Research (ACIAR) na NARI i luksave long dispela na putim risets long swit poteto olsem bikpela samting ol i mas wokim.

Long dispela yia, ol i bin karimaut tupela wik wok intavyu long 33 fama bilong Lufa na Asaro long Isten Hailans na Sinasina na Gumine long Simbu Provins.

Ol savelain long graun risets bilong NARI, Hailans Rijonal Senta, Aiyura na Kwinslen Yunivesiti i bin wok wantaim long karimaut sevei wok.



Ol traipela maining trak save ran go kam oltaim insait long 10-minit long strongpela simen rot long Basamuk Rifaineri tasol simen rot ya i strong moa moa yet. **Poto: James G. Kila.**

Weitlifting i ken apim nem bilong PNG

Isaac Liri i raitim

JENEREL Seketeri bilong Osenia Weitlifting Federeesen, Paul Coffa, i bin raun i kam long Papua Niugini long las wik long toktok wantaim Pasifik Gems Ogenaising Komiti (GOC), na Papua Niugini Weitlifting Federeesen.

As bilong raun bilong Mista Coffa em long lukim ol plen bilong GOC long kamapim gutpela weitlifting pilai long taim bilong 2015 Pasifik Gems.

Mista Coffa i tok weitlifting i bin apim nem bilong Papua Niugini long Komonwelt Gems long Skotlan taim Dika Toua na Steven Kari i winim gol medal, na em i tok Papua

Niugini i gat sans long winim planti gol medal long weitlifting long Pasifik Gems neks ya.

Raun bilong Mista Coffa i bin lukim GOC na Papua Niugini Olimpik Komiti (PNGOC) i soim Mista Coffa long ol wok redi bilong Pasifik Gems.

Mista Coffa i bin amamas long lukim olsem Papua Niugini i redi long dispela bikpela pilai.

Presiden bilong PNGOC, Sir John Dawanincura, i bin tokaut olsem Mista Coffa bai stap olsem het kosa bilong Tim PNG long Weitlifting. Sir John Dawanincura i amamas tru long dispela bikos Mista Coffa em wanpela man husat i gat planti ek-

spiriens na save long dispela spot.

Mista Coffa i bin makim Westen Samoa long weitlifting long bipo, na em i bin winim planti gol medal long taim em i bin stap olsem wanpela weitlifita.

Mista Coffa i go bek pinis long Weightlifting Institut bilong Osenia long Nu Kaledonia. Em bai kam bek gen long lukim sapos olgeta wok redi i ran gut.

Em i tok olsem i gat 6-pela weitlifita tasol bilong Papua Niugini husat i wok long kisim trening long Nu Kaledonia, na em i gat bilip olsem dispela 6-pela weitlifita i ken winim gol medal, na apim nem bilong kantri long neks ya.



Paul Coffa na Sir John Dawanincura i toktok long media konpresns. Poto Nicky Bernard.



GOC CEO Peter Stewart na Siameri bilong Lae Everclean Limited i sainim agrimen bilong klinim Gems Viles.

Lokel kampani bai go pas long klinim Gems Viles

LAE Everclean Limited bai go pas long klinim Gems Viles long taim ol spot manmeri bilong ol arapela Pasifik Kantri i kam na i stap.

Lae Everclean em i wanpela lokel kampani, na Sif Eksekutiv Opisa (CEO) bilong Gems Ogenaising Komiti (GOC), Peter Stewart, i amamas tru long lukim olsem wanpela lokel kampani bai go pas long klinim Gems Viles.

Mista Stewart i tok Gems Viles em i wanpela ples we

i mas klin oltaim, na em i gat bilip olsem Lae Everclean bai mekim gutpela wok bilong klinim Gems Viles.

"Sapos Gems Viles i klin, ol spot manmeri bilong Pasifik bai amamas long stap na pilai," Mista Stewart i tok.

Dispela i bin kamap bihain long GOC i sainim wanpela agrimen (MOU) wantaim Lae Everclean long las mun.

Dispela agrimen i tok

olsem Lae Everclean bai go pas long klinim Gems Viles inap long tupela wik olgeta.

Siameri bilong Lae Everclean, Sarah Haoda, i tok ol i amamas tru long go pas wantaim dispela wok, na ol bai wok strong long klinim Gems Viles.

"Long makim maus bilong kampani, mi laik tok olsem mipela bai wok bung wantaim GOC long klinim Gems Viles, na helpim ol spot manmeri na olgeta," Mista Haoda i tok.

OI PNG manmeri long ovasis bai gat sans long makim kantri

OGENAISESEN we i save go pas long redim Tim PNG long makim kantri, Papua Niugini Olimpik Komiti (PNGOC), i tok olsem ol bai givim sans long ol PNG manmeri husat i stap ovasis long makim kantri long 2015 Pasifik Gems.

Ol lain husat bai go pas long painim ol spot manmeri husat i gat talen na i stap long ol arapela kantri long wol em Hai Pefomens Spot Divisen bilong PNGOC.

Astingting bilong dispela em bikos PNGOC i laikim ol top spot manmeri bilong PNG long ovasis, na husat i stap insait long kantri long karim nem bilong kantri, na pilai long 2015 Pasifik Gems.

Wanpela bung i bin kamap long Cairns long Australia long las wik long mekim awenes, na tokaut long ol

manmeri long hap olsem Tim PNG i painim sampela spot manmeri husat i gat talen, na i stap ovasis.

Hai Pefomens Menesa bilong PNGOC, Aaron Alsop, i tok ol spot manmeri ol i painim long ovasis bai gat sans long makim kantri long 2015 Pasifik Gems, na tu, makim kantri long ol arapela bikpela pilai long taim bihain.

"Plantu bilong ol spot manmeri husat i stap long ovasis i save trening wantaim ol gutpela fasiliti, ol i gat ol gutpela kosa, na ol i no save sapos ol i ken stap insait long Tim PNG o nogat," Mista Alsop i tok.

PNGOC i laik mekim klia long ol olsem ol i gat sans long stap insait long Tim PNG, na ol i mas kam aut klia, na ol selekta bai luksave long ol.



OL PNG LEWA: Ol PNG Lewa i bin pilai long Pacific MMI Legends Big Bash long las wiken. Dispela kriket pilai i bin lukim ol biknem kriket pilaia bilong Australia na Sri Lanka i stap na givim sampela trening long tupela nesanel kriket tim bilong Papua Niugini. **Ol Baramandi na ol Lewa Poto Isaac Liri.**

BSP kriket woksop pulim ol pikinini

Isaac Liri i raitim

DRIMAN long strongim kriket insait long kantri i go het, na Bank South Pacific (BSP) na Cricket PNG i go het long helpim ol pikinini long ol skul.

BSP na Cricket PNG i save go pas long kamapim ol kriket woksop long pinis bilong olgeta 8-pela wik long ol sampela skul insait long kantri.

Planti bilong ol dispela skul husat i stap aninit long dispela program i stap long Pot Mosbi, Lae, Westen Hailens, Alotau, Madang, na Sentral Proovins.

Long las wik, ol yangpela sumatin bilong Hohola Demonstresen Praimeri Skul long Pot Mosbi i bin amamas tru long lukim tupela biknem kriket pilaia i kam long skul bilong ol, na go pas long kriket woksop.

Pastaim pilaia bilong Australia, Andy Bichel, na pastaim pilaia bilong Sri Lanka, Asanka Gurusinha i bin yusim taim bilong ol long toktok wantaim ol pikinini, na givim sampela skul long ol long sait bilong

bet, bowl na fil.

Andy Bichel i tok sapos ol yangpela pikinini i laik pilai kriket, ol i mas save long bet, bowl na fil. Em i tok sapos ol yangpela i developim dispela tripela skil, ol i ken kamap ol gutpela kriket pilaia long taim bihain.

Dispela woksop em i bin givim sans long ol yangpela pikinini long lukim tupela kriket lejen na toktok wantaim ol.

Gem Developmen Menesa bilong Cricket PNG, Gayan Loku, i tokim *Wantok Niuspepa* olsem dispela woksop em i wanpela bikpela samting long laip bilong ol pikinini, long wanem, raun bilong dispela tupela kriket lejen i ken helpim ol yangpela pikinini long lukluk antap long ol dispela kriket lejen, na wok strong long kamap ol gutpela kriket pilaia long taim bihain.

Dispela program long kamapim ol woksop long ol skul, ol i kolim BSP School Cricket Blast, na i bin stat long stat bilong dispela yia. Long lukluk bilong Mista Loku, em i tok dispela program i pulim intres bilong planti yangpela pikinini.



Biknem kriket pilaia bilong Australia, Andy Bichel, i givim sampela kriket skul long ol yangpela pikinini long Hohola Demonstresen Praimeri Skul long Pot Mosbi.

Hunters aut, bai redi gen long neks yia

Isaac Liri i raitim

DISPELA yia i lukim ol PNG Hunters i pilai gut tru long Intrust Super Cup na pinis namba 6 long lata wantaim 33 poin.

Pilai bilong ol Hunters insait long dispela ragbi lig kompetisen bilong Australia i bin pulim planti sapota long Australia, na tu, ol manmeri bilong Papua Niugini.

Dispela yia em namba wan yia bilong ol long pilai long dispela kompetisen, na ol i mekim planti manmeri i

amamas wantaim pefomens bilong ol long wanpela bikpela kompetisen bilong Australia.

Ol Hunters bai kisim malolo stat long nau na bai stat trening gen long mun Novemba.

Kosa bilong ol Hunters Michael Marum i tok em i amamas long ol pilaia bilong em.

Em i tok ol bai traime gen long neks yia. Em i tok neks yia ol bai traime long stap insait long top 5 bipo long kompetisen pinis.



Kosa bilong ol Hunters, Michael Marum i tok ol bai traime gen long neks yia. Em i amamas long pefomens bilong ol pilaia bilong em long dispela yia.

Difens Minista amamas long gutpela wok pren

Isaac Liri i raitim

MURRAY Bareks spot fasiliti i soim gutpela wok pren namel long Papua Niugini Difens Fos (PNGDF) na spot insait long Papua Niugini.

Dispela em tok bilong Minista bilong Difens, Fabian Pok, long dispela wik long taim bilong Murray Bareks spot fasiliti long NCD.

Minista Pok i bin tok tenk yu long Spot Minista, Justin

Tkatchenko, Praim Minista Peter O'Neill na ol spot oge-naisesen long wok pren wantaim PNGDF long kamapim dispela nupela spot fasiliti.

Minista Pok i tok ol PNGDF i nidim gutpela fasiliti long trening na stap helti na strong na dispela fasiliti bai helpim ol long trening bilong ol tu.

Minista Pok i tok ol PNGDF bai lukautim gut dispela fasiliti na lukim olsem pablik i benefit gut na

Papua Niugini Spot Faundesen i ranim gut.

"Taim na sapot bilong Praim Minista Peter O'Neill na Spot Minista Justin Tkatchenko i mekim na dispela fasiliti i pinis," Minista Pok i tok.

Minista Pok i tok ol spot manmeri na ol pablik mas amamas long dispela fasiliti, long wanem, dispela gavman i putim planti mani long kamapim ol spot fasiliti bikos ol i laik kamapim helti na strongpela kantri.

Gutpela pasin long Pasifik Gems, O' Neill tok

Isaac Liri i raitim

PRAIM Minista bilong Papua Niugini, Peter O'Neill, i tok olsem Papua Niugini i mas soim ol arapela manmeri bilong Pasifik olsem Papua Niugini i wanpela kantri we ol manmeri i save wok bung wantaim na i gat gutpela pasin.

Praim Minista O'Neill i bin mekim dispela toktok long dispela wik long taim em i opim Murray Bareks spot fasiliti long Pot Mosbi.

Em i bin tok tenk yu long ol manmeri na ol oge-naisesen we i sapotim gavman na bringim planti gutpela developmen long spot.

Sampela ol dispela oge-naisesen em Papua Niugini Olimpik Komiti, Spot Ministri

bilong Gavman, na Papua Niugini Spot Faundesen.

Praim Minista O'Neill i bin amamas long lukim olsem Murray Bareks Spot Fasiliti i pinis. Em i tok dispela fasiliti bai helpim planti manmeri long taim bilong Pasifik Gems, na em i gat bilip olsem dispela Pasifik Gems bai kamap gut.

"Yumi mas sanap bung wantaim, sanap olsem wanpela kantri, na wanpela famili. Sapos yumi sanap olsem na wokabout, bai yumi lukim olsem planti wok bilong yumi bai karim kaikai," Praim Minista O'Neill i tok.

Praim Minista i tok gavman bai sapotim spot oltaim bikos em i bilip olsem sapos yumi gat helti sosaiti, bai yumi gat gutpela sosaiti we bai mekim wok stret.



Peter O'Neill i soim ol manmeri olsem em tu i ken ekseis long stap helti.



Oi poto na stori i kam long NRL websait





SPOTS DRO RAUN 26

Fonde: Septemba 4, 2014

8.00pm
Allianz Stadium
 Roosters V^s Rabbitohs

Fraide: Septemba 5, 2014
7.30pm
Suncorp Stadium
 Storm V^s Broncos

Sarare: Septemba 6, 2014
3.00pm
Leichhardt Oval
 W/Tigers V^s Sharks




6.30pm
GIO Stadium
 Raiders V^s Eels




8.30pm
1300 Smiles Stadium
 Cowboys V^s S/Eagles






Sande: Septemba 7, 2014
2.00pm
Hunter Stadium
 Knights V^s Dragons




4.00pm
Cbus Super Stadium
 Titans V^s Bulldogs




Mande: Septemba 8 2014
7.00pm
Sportingbet Stadium
 Panthers V^s Warriors

Raun 25 Poin Lata

Pos	Tim	W	B	L	D	Pts
1.	Sea Eagles	16	2	7		36
2.	Rabbitohs	15	2	8		34
3.	Roosters	15	2	8		34
4.	Panthers	14	2	9		32
5.	Cowboys	13	2	10		30
6.	Storm	13	2	10		30
7.	Bulldogs	12	2	10		30
8.	Broncos	12	2	11		28
9.	Warriors	12	2	11		28
10.	Eels	12	2	11		28
11.	Dragons	11	2	12		26
12.	Knights	9	2	14		22
13.	W/Tigers	9	2	14		22
14.	Titans	8	2	15		20
15.	Raiders	4	2	16		18
16.	Sharks	5	2	18		14

ROOSTERS: Oi NRL sempion bilong las yia, Sydney Roosters i putim ai long winim taitel gen long dispela yia. Kepten bilong Roosters Antony Minichiello em wanpela man husat i gat planti eksperiens long pilai long ol fainel. Roosters bai nidim em long lidim tim.



SEGEYARO: Huka bilong ol Penrith Panthers, James Segeyaro i go bek pinis long Australia na redi long pilai egensim ol Warriors long dispela wiken. Win bilong ol Panthers bai lukim ol i stap insait long top 4. Panthers i nidim Segeyaro bikos em i helpim ol long winim planti gem long dispela yia. Ol Panthers bai givim wan minit respek i go long papa bilong James bipo long ol i pilai egensim ol Warriors. Papa bilong James, Ifisoe Segeyaro em wanpela man husat i bin givim bikpela taim bilong em long helpim skul bois ragbi lig long Papua Niugini.



GARRY LO: Winga bilong ol PNG Hunters, Garry Lo, em i wanpela pilaia bilong Intrust Super Cup husat i gat sans long winim awod bilong skoim planti trai. Garry Lo i skoim moa long 20-pela trai long dispela yia. Stail pilai bilong em long dispela yia i gutpela na ol selekta bilong tim Kumul long makim Praim Minista 13 skwat bai putim ai long em.

HUNTERS:

PNG Hunters i mekim Papua Niugini amamas long pinis namba 6 long Intrust Super Cup lata. Ol Hunters i bin trening strong stret long dispela yia na planti bilong ol pilaia i kisim gutpela eksperiens long pilai long wanpela kompetisen bilong Australia.



MICHAEL MARUM: Kosa bilong ol PNG Hunters, Michael Marum, em i gat sans long kamap kosa bilong tim Kumul husat bai pilai long Praim Minista 13 salens long mun Oktoba.



OI spot poto long wiken...

OI Poto Nicky Bernard.



OI sumating bilong Hohola Demonstresen Praimeri Skul i kisim sampela kriket trening long BSP.

Namba wan bilong Kemele Kontraksen Hela Wigman i traिम long brukim banis bilong Agmark Guria long gren fainal pilai bilong long Lae. Hela Wigman i winim dispela gren fainal 34-8.

TRAI TAIM: OI sapota bilong Hela Wigmen i amamas taim ol i putim trai.



TENKYU LONG GUTPELA PILAI: Pasin brata long taim bilong pinis bilong pilai namel long Charley Wabo na Travis Waninara.

Hela Wigman wantaim ol sponsa na sapota.

LAS GEM: Minista Marape i tok tenkyu long bikpela pes bilong Agmark Gurias, Rodney Pora long gutpela pilai em i save mekim taim em save pilai ragbi. Pora i pilai las gem bilong em long gren fainal taim tim bilong em bin lus long Hela Wigman.

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



TUNA IN OIL

Moa oil na meat insait



Ol lida long opening seremoni bilong Murray Bareks spot fasiliti o ples bilong pilai na trening.

Murray Bareks spot fasiliti i redi

Gavman yusim K7 milien

Isaac Liri i raitim

MURRAY Bareks spot fasiliti i redi, na Praim Minista Peter O'Neill, Minista bilong spot, Justin Tkatchenko na Minista bilong Difens, Fabian Pok i bin stap long opim dispela fasiliti.

Dispela fasiliti i gat jim, wampela hol, na swimming

pul. Ol manmeri bilong pablik na ol ogenaisesen bai gat sans long yusim dispela fasiliti.

Dispela spot fasiliti em namba wan fasiliti long pinis bipo long Pasifik Gems i stat, na gavman bilong Papua Niugini i amamas tru long lukim olsem Murray Bareks spot fasiliti i redi.

Gavman i yusim mani

mak olsem K7 milien long sanapim o kamapim Murray Bareks spot fasiliti.


Long opening seremoni bilong dispela spot fasiliti, Minista Tkatchenko i bin tok bikpela tenk yu long olgeta kampani o ogenaisesen husat i go pas long kamapim o sanapim dispela spot fasiliti.

Brian Bell i bin helpim

long givim ol material, na L&A konstraksen kampani i bin go pas long mekim wok kontraksen.

Tingting bilong stretim dispela spot fasiliti i bin kam long Minista bilong spot na Papua Niugini Olimpik Komiti.

Papua Niugini Spot Faudesen bai go pas long lukautim dispela spot fasiliti.



Available as:

Delivery van
15 seater
16 seater

Ready to power up your business ?
The all-new NV350 Urvan delivers with style.

- Powerful 95kw diesel engine
- Large sliding door
- Full air conditioning
- Folding aisle seats
- CD player
- Stylish slide window



Photo for illustration purpose only



Port Moresby 325 5255 Lae 472 1144 Madang 422 2659 Mt Hagen 542 1933 Goroka 532 3552 Kimbe 983 5035 Kokopo 982 8193 Tabubil 649 9048
 Email: info@borokomotors.com.pg | Web: www.boroko-motors.com

